



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A







690

CASPARI  
BARTHOLINI  
DE  
PYGMÆIS  
OPUSCULUM.



HAFNIÆ,  
Excudebat Georgius Hantzsch,  
Anno 1628.





*Reverendis & Doctissimis Viris,*  
**IN DIOECESISCAN-**  
**NICA PRAEPOSITI**  
*Ecclesiarum provincialibus, Dom-*  
*nis amicis & fratribus in CHRISTO*  
*optatissimis*

D. D. D.

C. BARTHOLINVS




C.P.



CASP. BARTHO-  
LINI

DE PYGMAEIS  
OPUSCULUM.

*Prooemium.*

 *Um reperti fuerint, qui de Gigantibus tum ex professo scripserint, tum incidenter quadam prolixitate commentationis in Genesim Mosaicam; qui vero de Pygmaeis datâ operâ opus aliquod reliquerit, inventus hæcenus, quod equidem sciam, nemo sit: operæ pretium me facturum existimaui, si animi causâ hanc in me provinciam susciperem, ob argumenti raritatem & difficultatem, quâ territi videntur alij; Venaturus non quantum debeo & volo, sed quantum possum, labore aliquo subcissivo; alijsq; doctioribus ansam in hanc rem uberiùs inquirendi præbiturus.*

*Cap.*



De Pygmæis  
CAPUT. I.

De Homuncionibus & pumilionibus  
seu nanis à Pygmæis distinctis.

**D**E Pygmæis me scripturum recepisse  
seu cubitalis statura hominibus : nam  
de quibusvis coacta statura hominibus,  
nibus, diminutis & decurtatis  
reliquorum commensu. Cum n. nulla animalium  
detur species, quin differentia  
quantitatis aliqualem recipiat secundum  
maius & minus : in humana utiq; hoc etiam  
apud omnes ferè gentes cottidianum cernitur  
atq; ordinarium. Quamquam inter  
non de nihilo sunt querela Homeri in libris  
suis, ad quem allusit Juvenalis scribens :

Nam genus hoc vivo ià decrescebat Homerus

Terra malos homines, nunc educat at

(pusillo

Atq; Plinii lib. 7. c. 16. Homines nostris  
hiscetemporibus, quàm saculis superioribus  
paulatim gigni breviores & minores.  
Addiderim ego, ut plurimum : causâ n. in  
dente aliquando fieri potest atq; rariore,  
vior



viore parente prolem aliquam proceriorem  
in lucem edere, atq; avorum & atavorum  
longitudinem in nepotes migrare. Quod a.  
illi de quantitatis imminutione conquesti  
sunt, longè adhuc veriùs de vitæ brevitate  
conquerendum: Homines olim ante diluvium  
ultrà annos 900, & olim post diluvium, pri-  
mum ultrà 400, deinde ad 150 vixisse: hodie  
inter aliquot myriades vix unum 90 attin-  
gere. Nempè mundus universus ab annis ad  
annos fit infirmior, per etates etiam suas  
senescens decrescit, & vires paulatim amitte-  
re videtur quicquid sub cælo. Quinimò  
& ipsum cælum instar fumi deficere, & ter-  
ram instar vestimenti veterascere atq; atteri,  
Spiritus Dei, omni exceptione maior pronun-  
ciavit Esai. 51, 6. Quamobrem non iniuriâ  
Cyprianus dixit, tetum de semetipso testari  
mundum, omnia

In peius ruere & retro sublapſa referri.

Hinc Esdra lib. 4. c. 5, v. 54 et 55. dicitur:

Considera ergo, quoniam minori statu-  
râ estis, præ his qui ante vos, et qui  
post vos, minori quam vos, quasi iam  
senescentes creaturæ, & fortitudinem

Aaa 3

iuventu-



## De Pygmæis.

iuventutis prætereuntes. Innuuit ergo creaturas iam consenuisse & vires excessisse iuventutis, non secus ac vir florenti ætate validam prolem generat; instante senectute non nisi debilem atq; infirmam. Cæterum hanc in rem uberius verba facere, nostri instituti non indulget ratio. Hoc potissimum præsentī capite monere propositum est: etiam in humana specie, ut alijs, dari non tantum homines grandes, proceros & quasi Gigantum minores filios; verum etiam *μικροὶ ἄνθρωποι*, quos Græci etiam vocarunt *ναῦτοι*; qua de voce vide Gellium lib. 19, c. 12. Latini homunciones, homullos, pumilos, pumiliones & ad imitationem Græcorum nanos appellitant qui tamen Pygmæi non sunt, aut cubiti (saltem altitudine, neq; antra & specus instar Pygmæorum petunt: sed cum maximis nonnunquam certant ingenio, prudentiâ, sapientiâ, arte militari, robore; agilitate v. & celeritate plerumq; superant. Homulli namq; fuerunt ex eruditissimis ac ingeniosissimis viris: Melanchton, Erasmus, Eberus, Hemmingius, Taubmannus, Grotius; & ante eos Marsilius Ficinus, Jacobus Faber Stapule

si.



is, aliqꝫ complures; Olim v. Poëta insignes  
 & aliàs docti & eloquentes, Ancus Tragedi-  
 rum princeps scriptor, teste Plinio, Aure-  
 lius, Augurellus, Cornelius Licinius Calvus  
 Catullo ob corporis exiguitatem Colopi-  
 chus dictus & Horatius, Virgilius, Per-  
 sius, Hortensius, Salustius; itim religiosi,  
 fortes & animosi, Numa Pompilius, Coriola-  
 nus, aliqꝫ infiniti cum bello, tum pace illu-  
 stres viri: Lycurgus, Solon, Demosthenes,  
 Themistocles, Miltiades, & ipsi septem  
 Græcorum sapientes: ut non iniuriâ Aristot-  
 eles Alexandro præceperit, non debere ab  
 ipso contemni parvæ staturæ homines quia  
 plerumqꝫ hi sapientiâ, consilio, & optimè po-  
 litis moribus inveniantur præditi. Consen-  
 tit Cato bis versiculis:

Corporis exigui vires contemnere noli,  
 Consilio pollet, cui vim natura negavit.

Et Avicenna autor est, naturam  
 supplere ingenio, ubi corpore deficit.  
 Ex fortissimis bellatoribus: David Rex &  
 Propheta, omnium virtutum cumulo ornatus,  
 Agesilaus, Alexander Magnus, Augustus Caesar,  
 Antonius Caracalla, Diomedes, & Menelaus, V-  
 lysses, Nicolaus Piccinius Italus &c. Vt n. in  
 putri



### De Pygmæis

putri vagina ensis ferreus ( rectè quidam scripsit ) sic in fragili corpore fortis & perutilis animus sæpè latet. Atq;

*A cane non magno sæpe tenetur aper.*

Vide mihi Saulè, toto vertice supra populū eminetè: māsuetus fuit, fortis, pius, ut ad regnū veniret; savus ignavus, impius ut malè administraret; tādē etiā amens ut sceptro pariter atq; vita spoliaretur. Magnus etiā fuit Goliath, seu improbus, nec fortis quidem: Martem enim ventosa in lingua duntaxat habuit.

Plures tamen fortes viros non nega vero fuisse partim excelsa atq; eminente staturā, partim grandi vastoq; corporis pondere: ut fuere Agamemnō, Ajax, Antenor, Africanus Scipio, Claudius Caesar, Cajus Caesar, Carolus Rex Francorum, Consalvus Cordubensis, Flavius Domitianus, Georgius Scanderbegus, Georgius Fronspergius Suevus, Gothofredus Bulonius, Johannes Assumbeius, Usumcaßanus, Mausolus, Magnus Sfortia, Mahometes II. Turcarum Imperator, Nestor, Neoptolemus, Ottbo, Palamedes, Romulus, Troilus, Tiberius Caesar, Tamerlanes Schyarrum Rex, & Reges Dania pleriq; in hunc usq; diem. Cum n. Anno Christi 1474 Christianus I. Dania, Suecia, Norwegia &c. Rex, Rome, quò religionis causæ venerat, à Pontifice & Romanis videretur;



in stuporē illi coniecti sunt, obis inusitatā Regis & proceritatem & formositatem; quā venerationē in corporis illa maiestate merebatur. Mēsurā altitudinis eius Regis adhuc Roschildia in capella, ubi dormitorium Regum Christiani III. & Friderici II, reperitur.

Verum enim verò nimium si quantitate deficiunt nani, Magnatibus ludibriosunt, & materiam risus ac ioci semetipso præbent, quales crebrò in Tartaria nasci uarrant: unde factum, ut modū etiā procreandi pumiliones non secus ac melitæos canes Cardanus annotaverit de subtil. l. II, mibi p. 460. Verba eius adscribo: Nascuntur ex parvo patre ac matre, fascijs ac tē colligantur, non affatim nutriuntur, sed tenuiter. Eādē ratione magni ē magnis procreantur parentibus, exercentur, nutriuntur affatim, fascijs non constringuntur. Hac ille. Triā ergò requisita, pro pumilione generando adducit. primum: parentis utriusq; parvitatem. Et merito: Nam

Fortes creantur fortibus & bonis,  
Est in iuvenis, est in equis Patrum  
Virtus, nec imbellem feroces  
Progenerant aquila columbam.

Vnde subditi Archidamum Regem suum pecuniā mulctarunt, quod pusillam duxisset

A a a 5

uxorem



### De Pygmæis.

uxorem; causâ expositâ, quod ita non Reges  
sed Regunculos statuisset ipsis generare. Plu-  
tarch. de liber. instit. Quondam etenim  
non desuere gentes, quæ è popularibus  
maximum, & pro rei magnitudine  
validum regem deligendum censebāt,  
quales Ætipes, de quibus Herodotus  
lib. 3. Deindè quid in arcta fasciatione  
ac constrictione sitū sit, tum quantitati  
diminuenda, tum figuræ immutan-  
da in infantibus & caniculis, noto  
notius est.

Præterea nutrimenti inopiam,  
quantitatem imminuere in quovis a-  
nimali, vel quadratus sciverit Cori-  
don. Addo tandem quartam cau-  
sam, nempe morbos. v. g. Quoties su-  
periores partes ad iustum augmentum  
perveniunt, brachijs atq; cruribus te-  
neris & parvis manentibus, sicuti  
in luxationibus non restitutis solet ac-  
cidere.



videre. Sic n. è contrà visi sunt ; quos  
febris quartana in giganteam molem  
erexit. Quales Græcis ἐκράσιλοι vo-  
cantur, in quibus vitium latet, quod  
insolitum augmentum cum mor-  
te immaturiori accersit. Ita n.  
nostra ætate Antonius ille Antwerpiensis, cum  
pusillus admodumq; debilis in lucem prodisset,  
ilico puer ex morbo in magnum gigantem  
evasit. Sic fuit Salamine Euthemini filius,  
qui in tres cubitos intra triennium adolevit:  
sed homo incessu tardus, sensu hebes : puer  
postea factus, subita membrorum contractio-  
ne absumtus est, narrante Plinio. Eodem  
modo Cornelii Taciti, nobilis Historici, Equi-  
tis Romani filius nondum pubertatem attin-  
gens, diem suum miserè obiit. Quod si quis  
quintam superaddi causam posse putet, nem-  
pè senium; eò quòd decrepitorum corpora de-  
crescere & abbreviari videantur ; sciendum  
graciliora quidem fieri, at non breviora, id est,  
caro consumitur, ossa nullà vi breviantur aut  
ætate. Apparent autem breviora senilia  
corpora, quia incurvantur omnes articuli,  
sicca-



### De pygmæis.

siccatis ligamentis & musculis, ob caloris inopiam tensis.

Ceterum ad hæc omnia rectius intelligenda, corpus ponendum instar Polycleti regula, nec nimis parvum, sed mediocre: quale in Europa æstimatur, in longitudine 6 pedum Geometricorum, in latitudine autem & crassitie  $1\frac{1}{3}$  à quâ proportionem qui declinant, improporionati dicuntur, & tantò magis, quantò maior excessus vel defectus.

Nanos v. plerumq; fluxa vel hebetis memoria esse, atq; somniculosos, statuit Cœlius Rhodig. lib. 6. Lectionum antiquarum c. 3. & lib. 20. Cap. 8. cum quo transigat Wichgreuius, qui nihil non virtutum homullis adsignat, ipse homullus.

## CAP. II.

### De Pygmæi nominibus, atq; Etymologia.



Racis πυγμαῖος dicitur à cubito, πύγων n. cubitus est, unde appellari Pygmæos Eustathio credimus; sic & Favorinus



*nus*, Henricus Stephanus, & alij in lexicis,  
 ex mensura magnitudinis, supra quam vix  
 ascendit; plerumq; infra 6 videlicet digitos  
 consistit. Cubitus a. communiter continebat  
 5 palmos, in sacris verò 6, ut Hebraei docent,  
 Ezech. 40, 5, & 43, 13. si modo Ezechiel  
 cubito usus fuerit in sacris ordinario. Pal-  
 mus continet 4 digitos, digitus 4 bordei  
 grana per latera contiguè disposita. Hinc Pyg-  
 maos etiam spithameos dictos fuisse, Plinius  
 ait lib. 7. c. 2. eò quod longitudine ternas  
 spithamas seu dodrantes non excederent, hoc  
 est 29 pollices vel pedes duos ac 5 pollices.  
 spithama n. mensura est trium, pes a. quatuor  
 palmorum. Pygmaei ergo nomen genti tribu-  
 tum à magnitudine, quod aequarent  $\pi\upsilon\gamma\mu\alpha\iota$   
 vel mensuram 6 digitis breviorum, quam  
 cubitum, i. e. spatium à cubito usq; ad digitos  
 inflexos seu clausos: aliàs pro ut vel pugnū  
 apud Suidam & Hesychium, vel luctam  
 seu pugilatum apud Plutarchum significat, his  
 significationibus hic locus non est.

Diligentissimus Homeri commentator  
 Eustathius ait: Pygmæi staturâ suâ ne cu-  
 bitum quidem æquant, denominatur n.  
 à pyg-



### De Pygmæis.

à pygone : Est autē πυγών vel πυγστίον intervallū, quod à cubitu flexu ad initium usq; parvi digiti, vel ad manuum extremum, digitis in pugnū, quem Græci πυγυλὴ vocant, ut inde etiam Pygmæi à pygone dicti videantur, quod eorum mensura non cubitum totum, sed ad pygmen usq; tantum impleant, pertingit.

Dicti sunt etiam Pygmæi Troglodytæ, quod in cavernas se subducerent à gruū & aliorum infestantium iniuriis. Jacobus Philippus Bergomensis, & eum postea secuti alij, Troglodytæ nomen proprium cuiusdam populi crediderunt, cum reverà sit adiectivum, denotans quodcunq; cavernas subit: τρωγλοδυτῶν n. est cavernam subeo; & Hesychius τρώγας foramina interpretatur. Hinc passer, qui cavernas ingreditur, τρωγλοδοῦτης etiam est dictus & Trochilus esse creditur. Non ignoro hac occasione Ciceronem lib. 2. offic. & lib. de divinatione, itim Plinium, Melam, atq; alios, populos quosdam Æthiopie hoc nomine tanquam proprio appellasse; Sed appellarunt, ob actionem illam

sub-



subducendi se in cavernas : quod vel ex Strabone lib. 1. liquidum reddi potest, qui de Arabibus verba faciens ait eos qui antra subirent, à multis Troglodytas fuisse dictos, posterosque hoc suscipientes, Troglodytas illos appellare consueſſe, quod hoc nomine apertius intelligerentur. Non prætereundum etiam, Pygmaeorum populos à Barbaris Catizos fuisse vocatos, teste Plinio l. 4. c. 11.

A quantitatis etiam mensura apud Hebræos dicuntur Pygmai Gammadim, cubitales, Ezech. 17, 11. Gomel enim est cubitus vel mensura cubiti, Jud. 3. 16. idem quod Amah : Hæc sententia est doctissimorum Hebræorum atque interpretum sacra scripturæ de vocis gammadim interpretatione, quam vertunt Pygmæos & cubitales, vi vocis nullâ arte violabili. Ita reddiderunt : Hieronymus in hunc locum ; Aquila 1 editione ; Vulgatus, Vatablus, Hugo, Lyra, Pagninus in Lexico ac Biblijs, & cum eo Arias Montanus, atque ante hos R. David Kimchi, postea Mercerus ad Lexicon Pagnini, Avenarius in Lexico, Cunradus Kircherus Augustanus in laboriosissimo opere de Concordantijs Græcarum  
vorum



## De Pygmæis

vocum Biblic. cum Hebrais, Lucas Osiander in paraphrasi super l. d. Ezechielis, Pintus & Maldonatus in hunc locum. Malè autem vertūt; Chaldaus Cappadoces, Symmachus Medos, septuaginta custodes, & ex Symmachi non 70 versione hunc versum legunt Complutentia & Antwerpiensia exemplaria. Nonnulli verò præconceptâ opinione Pygmaeorum gentem fictitiâ esse præoccupati in varias se Prothei instar verterunt formas. Hieronymus in hunc locum explicat Pygmæos per bellatores vel ad bella promptissimos, αὐτὸ τῆς πυγμῆς, ut certamen significat: cui astipulatur Cornelius à Lapide, ut dicantur à cubito quasi cubitantes vel luctantes (sicut Arietes, quando cornibus pugnant, vocantur cornutantes) quòd cubitorum impulsione ac protrusione decertarint: quales olim erant pugiles. Ceterùm non congruunt hac cum statione in turribus, ubi scutati fuerunt, aliter ergò adhuc idem vocat cubitantes, quia ad cubitum ancilibus induti & tecti vel cubitis validi & pollentes; adeo ut sub cubitis etiam accipi velit vicinos armos & lacertos. Sed hac interpretatio ex pygmæis Gigantes facit; de qua  
infra.



*infra. Forsterus in Lexico explicat Gammadim, quod super turribus visi sint præ altitudine turrium hominibus infernè stantibus, tanquam cubitales vel Pygmai. Sed reclamatur scopus & finis stationis in turribus, ut videlicet, si opus, nocerent hosti; at nimis ex altitudine remoti, ut præ remotione parvuli apparerent, minus hosti incommodassent. Itaq; aut in turribus non ita præaltis constituti fuerint verisimile est, aut in turrium altiorum partibus non nimium excelsis.*

*Quidam verterunt Gammadaeos & Gammadenses nomine proprio, secuti Theodotionem, qui retinet Hebraum Gammadim, ut Junius & Tremellius in Biblijs, Marinus in Lexico, Junius in Ezechielem, & hos secuti Polanus & Piscator in hunc locum, atq; Buxtorffius in Lexico; quos primo Junius cum sequacibus, Polano, Piscatore & Buxtorffio, facit populos Phœnicia, nullo planè addito documento, quis unquam illos Phœnicia populos ita appellarit. Addit Polanus ad maiorem fidem faciendā hoc figmentū: Gammaden fuisse regionē Phœnicia cubitali formā proiectā in mare, postea à mari devoratam, Sed rectè hic quidā:*

B b b

hanc



De Pygmæis.

hanc gentem & hocce eius nomen nusquam reperire potui.

Deinde cubitales quidem dici concedit, non ob staturam, sed quasi brachiales i. e. brachio potentes & robustos. Addit, ut quibusdam placet: intelligit indubiè Junium in Ezechielem l. d. ubi interpretatur Gammadim viros lacertosos & robustos. Sed pace tantorum virorum dixerim: nullo colore falsitas pingi potest, verum ut fiat. Neq; enim cubitus hebrais idem quod brachium, neq; eadem voce hebraicâ effertur, neq; cubito robur tribui potest, ut brachio; quippe non tam solido aut grandi osse constanti: neq; robur magnum ad sagittas eiacularandas requiritur: imo textui hac glossa non convenit, potius Giganteum robur & magnitudinem, quam Pygmeorum parvitatem in turribus Tyriorum latentem præsere ferens. Itaq; absurdius Cornelius de Lapide in Ezech. per cubitales intelligit maximos Gigantes; qui non pede, sed cubito multiplici mensurantur, qui fuerint certum hominum genus pugnax, totumq; pugnis bellisq; addictum, ut apud Romanos Gladiatores, apud Davidem Cerethi & Pe-



Pelethi, & nunc apud Polonos Cozacki, apud  
 Hungaros Haidones & Huzari, apud Turcas  
 anizarij. Quod revera est ex quolibet facere  
 quodlibet. Quod vero addit Polanus, & cum eo  
 iuxtorfus, Gamaden esse, quā civitatem cor-  
 ruptè à Plinio putant dici Gamalen lib. 2. c.  
 1. coniectura est, quæ fulcimento eget aliquo,  
 rimium, ut mihi videtur, à Franc. Junio in-  
 Comment. in Ezech. l. d. quamvis  
 referat hic interpretationem vocis ceu appel-  
 lativa per viros lacertosos & robustos, eò quod  
 illis tribuantur, viris debilioribus in-  
 tilia : quasi verò scuta proportionè & quan-  
 tate, pro scutatorum magnitudine caruis-  
 sent. Longè probabilius est, Pygmæos in turri-  
 bus constitutos exiguis fenestellis, ut eò rectius  
 turres, quibus contra hostes usi sunt veteres,  
 robur & vim repellendam comparatè  
 bent, à sagittarijs peritis ( quales Pygmæos  
 iisse etiam profana tradit historia ) defende-  
 rentur, & hostes irruentes sagittis arce-  
 rentur. Taceo quod de scutis dicitur,  
 x textu elici, filijs Arvad tribuen-  
 lum, qui super muros per circuitum.



## De Pygmæis

Itaq<sup>3</sup> non est quod desperent Junius atq<sup>3</sup> Pol-  
nus rei militari competere Pygmæos in tu-  
ribus; cum vel maximè competant. Neq<sup>3</sup>  
pus cum Lyrano existimare, eos, positos fun-  
non ad tutelam, sed ad irrisiōem hostium.  
hoc n. non tam longè opus fuisset Pygmæos a-  
cersere, sed suffecissent pusiones, larvæ;  
homines straminei, &c.

Junius putat adhuc quo ad nomen pr-  
priū, solidius verti posse Gammadim Sum-  
thenos in Syria Commagena, quorum me-  
tio est apud Ammianum lib. 18. Atq<sup>3</sup> ita  
sacris quidam ludunt suis coniecturis var-  
fluctuantibus, ac si in sapientiā aliquā seculā-  
versarentur.

## CAP. III.

Duplex esse Pygmæorum genus, &c.  
primum genus aliquando dari.

**P**ygmaeorum differentiam  
venaturi, eos eliminamus, qui  
inter nanos minimi in magna  
tum aulis ludibrij ergo aluntur  
longe cubiti mensurā excedentes. Cum n. Pyg-  
mæos



neos à cubito, cuius mensuram non exsuperent, sed infrà potius subsistant, dictos præced. ap. docuerim: eosdē in duplici discrimine esse ex historijs animadverto atq; colligo. Quosdam casu instar monstrorum genitos, quasi pro miraculo, modò in hac, modò in illâ mundi arte: quosdam pro gente, quæ alicubi sit aut ultim olim fuerit. De primo genere si quis dubitat, illud exemplis varijs ex historijs petitis, hoc capite faciemus innotescere.

M. Antonius habuisse fertur Pygmæum Sisyphum intra bipedalem staturam, ingenio tamen valentem. Sub Theodosio Imperatore visus in Ægypto quidam incredibili staturæ brevitæ, adeò ut perdice maior non videretur. Illud a. in primis in eo fuit admirandum, quod prudentia polleret, voceq; suavi à Musis non abborrente, sermone decoroq; claro & articulado, generosa mentis specimen præbente. Vixisse fertur annos circiter viginti. Vide de hac historia Nicephorum lib. 2. Eccles. hist. c. 37.

Martinus Borrhaus in 2. Sam. 21. Nostrâ ætate, scribit, ferunt perfectâ ætate, fuisse virum cubitali longitudine.

Bbb 3

Car-



*Cardanus de subtilit. lib. II. mibi, pag. 41.*  
ait: Quod ad pumiliones attinet ann  
præterito circumferebatur vir perfec  
ætate, cubiti longitudine in psittaci c  
vea.

*Jo. Cassanio libello de Gigantibus pa*  
76: Ego cum puer essem, inquit, memini  
me vidisse Lugduni pusiones duos br  
vissimæ staturæ, quæ cubitalem non f  
peraret. Quorum alter barbam habere  
valdè promissam atq; subrusam, form  
fatis eleganti conspiciebatur. Togate  
iste erat, galerum habens eiusmodi, qu  
pontificius clerus (quem vocant) ut  
consuevit. Ac ne quid ad ornatum dee  
fet, appositum humeris erat doctoratu  
insigne, quod vulgò cornetam dicimur  
Alter eo erat habitu, qui nobilibus no  
stris proprius peculiarisq; esse solet. Ho  
ita quàm per ridiculum atq; animi caut  
induissent quidam in ulnis suis non fa  
cūs a atq; infantes gestabant. *Plura de ho*  
*muncionibus & nanis exempla referri possent*  
*nisi res ipsa satis vulgata cuiq; pateret.*

*Leonhardus Thurneisser in Pisone Ger*  
*man*



man. edito lib. 7, c. 84. in Marchia & Lu-  
 satia scribit, aliquoties Pygmaorum ossa sub  
 terra reperta, atq; semel integrum sceleton  
 cum cranio 2 pedes & 3 digit. longum. Quia  
 v. in istis partibus (uti & alicubi in Polonia)  
 passim sub terra olla reperiuntur, tam affabrè  
 formata cum manubrijs & strijs, acsi torna-  
 ta essent manu artificis, formis & figuris va-  
 riis, alterius naturæ, quàm eodem modo agen-  
 tis opificia, opinio est colonorum in iis locis,  
 formari ollas istas subterraneas à Pygmæis, qui  
 cavernas terræ occultas atq; non exploratas in-  
 colant: qui nostratibus vocantur Biergemend.

Addunt coloni autumnno, hyeme atq; vere 20  
 pedum profunditate sub terra delitescere, cir-  
 ca tempus Pentecostes a. non nisi unius ulnæ:  
 quo idcirco tempore plurimas inquilini in-  
 quirentes effodiunt. Non in Lusatiâ tantum,  
 sed in Thuringia propè arcem Steinam in mon-  
 te vicino, taliâ fictilia reperta, quæ Zwer-  
 gtorf vocent, quasi Pygmaorum urnas  
 fictiles, annotavit Gesnerus de fossilibus  
 tit. i. fol. 8. b. De bisce tamen Mar-  
 chiacis & Lusaticis Pygmæis nihil  
 habeo ulterius dicere, incertus,




## De Pygmæis

tum an ab iis, an v. spiritibus peculiaribus sub  
terraneis olla ista formentur; tum an inventa  
ossa atq. sceleta Pygmaeorum sint, qui pro casu  
an qui pro gente habendi.

## CAPUT IV.

Alterum genus, nempe gentem Pyg  
maeorum esse, aut saltem aliquando fuisse  
autoritatibus humanis, fide tamen di  
gnorum asseritur.

 Uloniam non pauci recen  
tiorum bodie Strabonem sequenti  
gentem eiusmodi unquam fuisse  
aut esse praefractè negant, &  
pro fabula habent quicquid de Pygmæis dici  
tur; non frustraneam huic labori impendemus  
operam, si talem gentem aliquando olim fuisse  
(an autem iam sit amplius, merito dubitatur  
rectius quàm negatur) comprobemus, pri  
mum testimonijs autorum fide etiam dignissi  
morum, hoc capite: Deinde S. Script. autorita  
tate & rationibus probabilibus: Tandem  
ex proluxa descriptione apud autores, effectum



um, loci, aliorumq<sup>3</sup> accidentium ; qua tanto numero & diligentia confingi minimè potuerunt.

Primus ergò, quod sciam , Homerus Pygmaeorum mentionem faciens 3. Iliad. ipsos à gruibus infestari ait :

Αὐτὰρ ἐπεὶ κοσμηθέν ἄμ' ἠγεμόνεσσιν ἑκάστοι  
Τρῶες μὲν κλαγγῇ τ' ἐνοπῇ τ' ἴσταν ὄρνιθες ὥς  
Ἡῦτε περ κλαγγὴ γεράνων πέλει θρανόθι πρό,  
Αἴτ' ἐπεὶ χειμῶνα φύγον κ' ἀλεσφατον ὄμβρον  
Κλαγγῇ ται γε πέντοτα ἐπ' ὠκεανοῖο ροαῶν  
Ἀνδρασι πυγμαίοισι Φονὸν καὶ κηρὰ φέρουσι.

At postquam instructi fuerunt una cum

(ducibus suis singuli,

Troiani quidem cum sonitu clamoreq<sup>3</sup> in-

(cedebant sicut aves :

Velut clangor gruuum est in aëre.

Qua postquam frigus fugerunt & immen-

(sum imbrem

Cum clangore hæ volant ad Oceani fluentia

Viris Pygmæis eadem & mortem ferentes :

Ex Ctesia Indicis excerpta Photij, ad calcem editionis Herodoti per Henr. Steph. in fol. pag. m. 681, sic habent : Media India nigros habet viros, qui Pygmæi appellantur,

Bbb 5

lantur,



### De Pygmæis.

lantur, eâdem qua Indi cœteri linguâ u-  
rentes; sunt a. valdè parvi; adeò ut bona  
pars dimidij cubiti magnitudinem, qui  
autem eorum maximus, duorum cubito-  
rum magnitudinem non superet. Capil-  
lum autem usq; ad genua & infra etiam  
demissum, barbam quoq; quibusvis aliis  
hominibus promissiore gestant. Atq;  
adeo postquam illis promissa barba ex-  
orta est, nullo iam vestitu utuntur, sed  
capillos quidem à tergo multo infra ge-  
nua demittunt, barbam autem antè ad  
pedes usq; protrahunt: deinde cum to-  
tum corpus pilis obduxerunt, seipso  
cingunt, illis vestimenti loco utentes,  
Sed & veretrum illis est valdè crassum,  
adeoq; magnū ut ad pedum usq; malleo-  
los pertingat. Sunt porro simi atq; defor-  
mes. Oves autem eorum sunt agnis no-  
stris pares: boves & asini ad nostrorum  
arietum magnitudinem accedunt: equi  
item eorum & muli, cæteraq; veteri-  
na animalia arietes magnitudine non  
superant. Horum Pygmæorum tria  
millia Rex Indorum in suo comitatu  
habet.



habet. Sunt enim sagittarij peritissimi. Iustissimi autem sunt, & iisdem quibus reliqui Indi legibus utuntur. Lepores & vulpes non canibus sed corvis, milvis cornicibus & aquilis venantur. Lacus est apud eos octingentorum stadiorum ambitum habens, cui, quoties à nullo vento agitur, oleum supernatat: Quod quidam ex eius medio scaphis hauriunt, navigiis per eum navigantes, atq; eo utuntur. Utuntur a. & oleo ex sesamo & ex nucibus: sed præstantius est, quod è laco illo hauritur.

*Hæc relatio de arte sagittariâ egregiè convenit cum Ezechiele, de quo cap. sequenti. Fuit autem Ctesias Medicus Artaxerxis Regis Persarum, ut Suidas dicit, qui res Persicas (atq; etiam Indicas) admiratione dignas multis voluminibus persequutus est.*

*Aristoteles prodeat, cui vel unico præ omnibus fides habenda, cuius discipulus Alexander Magnus Indiam, aliasq; provincias ab aliis non perlustratas*



De pygmæis.

*lustratas subegit. Js lib. 8. de histor. animal. cap. 12. de gruibus loquens sic scribit :*  
 μεταβάλλει γὰρ ἐκ τῶν Σκυθικῶν εἰς τὰ ἑλλη-  
 τὰ ἀνωτὲρ αἰγύπτῳ, ὅθεν ὁ Νεῖλος ρεῖ, ἐστὶ δὲ ὁ  
 τόπος ὅτος περὶ ὃν πυγμαῖοι κατοικῶσιν. οὐ  
 γὰρ ἐστὶ τῶτο μυθόν, ἀλλ' ἐστὶ κατὰ τὴν  
 ἀλήθειαν. γένεται μικρὸν μὲν ὥσπερ λέγεσθαι  
 καὶ αὐτοὶ, καὶ οἱ ἴστωποι : τρογλοδύται δὲ, εἰσι  
 τὸν βίον. *Gaza ita vertit : Quæ (grues)*  
*ex Schyticis campis ad paludes Ægypto*  
*superiores, unde Nilus profluit, veniunt,*  
*quo in loco pugnare cum Pygmæis di-*  
*cuntur. Non n. id fabula est, sed certè*  
*genus tum hominum, tum etiam equo-*  
*rum pusillum, ut dicitur, est, deguntq;*  
*in cavernis, unde nomen Troglodytæ à*  
*subeundis cavernis acceperunt. Sensus*  
*quidem assecutus est Gaza, sed contra boni in-*  
*terpretis genium addidit, quæ textus non*  
*continet; neq; n. ullo verbo hoc dicit Philoso-*  
*phus, grues cū Pygmæis pugnare; Deinde cum*  
*ait Pygmaeos esse genus hominū; voculā hominū*  
*de suo addidit, in codice græco non agnitam.*  
*Quamobrem sic vertimus : Transeunt n. ex*  
*Schyticis ad paludes, quæ suprā Ægyptū,*  
*unde Nilus fluit. Est a, locus hic circa*  
 quem



## De Pygmæis

15

quem Pygmæi adhabitant. Non n. est hoc fabula, sed est secundum ipsam veritatem. Genus parvum n. ut dicitur, & ipsi & equi. In cavernas a. se subducentes vivunt. *Ubi advertere velim lectorem attentè ad verba Aristotelis: Esse ita secundum veritatem, sicut dicitur; quod neutiquam nisi certus huius historie dixisset: & præmittit: Non esse fabulam; ut si quis esset vel suo tempore (uti fortè fuere aliqui, cum tam sollicitè fabula crimen avertat) vel postea futurus quis, cui fabulosa narratio de Pygmæis censeretur, sententiam mutaret, & secundum ipsam veritatem ita esse cum Aristotele statueret.*

*Philostratus lib. 3. de vita Apol.* Pygmæos, inquit, sub terra degētes supra Gangen posita loca incolere, & sicut fama de ipsis prædicat, vivere non vanum est.

*Plinius lib. 7. hist. natur. c. 2. scribit:* Supra hos, (nempè qui sunt ad extremos fines Indiae ab oriente circa fontem Gangis) extrema in parte montium, Spithamæi Pygmæi narrantur, ternas spithamas longitudine, hoc est ternos dodrantes  
non



De Pygmæis.

nō excedentes salubri coelo, semperq; ver-  
nante, montibus ab Aquilone oppositis,  
quos à gruibus infestari Homerus quoq;  
prodidit. Fama est, insidentes arietū capra-  
rūq; dorsis, armatos sagittis veris tempo-  
re universo agmine ad mare descendere, &  
ova pullosq; earū alitum consumere: ter-  
nis expeditionē eam mensibus confici, ali-  
ter futuris gregibus non resisti. Casas eo-  
rum luto pennisq; & ovorum putamini-  
bus construi. Aristoteles in cavernis vivere  
Pygmæos tradit. *Cetera de his ut reliqui.*

*Adrianus Turnebus testatur, se vidisse in  
pervetustis codicibus, Spythamæos, Pygmæ-  
osq; Plinio astipulatur Bartholomæus Anglicus.*

*Menecles primo collectaneorum, re-  
ferente Athenæo l. 9. meminit eorum, traditq;  
eos non tantū cū gruibus, sed & cum perdici-  
bus decertare. Sic & Basilis apud Athenæū Pyg-  
mæos asserit. Juvenalis Satyra 13 de iis sic canit:*

Ad subitas Thracum volucres nubem-  
(q; sonoram

Pygmæus parvis currit bellator in armis,  
Mox impar hosti, raptusq; per aëra curvis  
Vnguibus, à sæva fertur grue: si videas hoc  
Gentibus in nostris, risu quatiare, sed illic

Quam-



Quāquā eadē assiduē spectētur prælia, rider

Nemo, ubi tota cohors pede vix est al-

*Oppianus lib. 1. de piscibus:* (tior uno.

Et velut Æthiopū veniunt Niliq; fluenta

Turmarim Palamedis aves, celsaq; per al-

(tum

Aëra labantes fugiunt Atlanta nivofum,

Pygmæos imbelles genus parvūq; fatigāt,

Non perturbata procedūt ordine densæ

Instructis volucres obscurant aëra tur-

*Et Baptista Mantuanus.*

(mis.

Pygmæi breve vulgus iners plebecula,

(quando

Convenere grues longis in prælia rostris

Sublato clamore fremunt, dūq; agmine

(magno

Hostibus occurrit, tellus tremat Indica

(clamant

Littora, arenarū nimbis absconditur aër,

Omnis & involvit pulvis solēq; polumq;

Et genus hoc hominū natura imbelles,

(quietum

Mite facit Mavors pugnax, immane, cru-

(entum.

*Citantur à Lipsio lib. 1. Saturnal. cap. 4. Papi-  
niani de Domitiani ludis versus isti, quasi de  
Pygmæis agerent.*

His audax subit ordo pumilorū

*Quos*



### De Pygmæis

Quos natura brevi statu peracto  
Nodosum semel in globum ligavit.  
Edunt vulnera, conseruntq; dextras,  
Et mortem sibi qua manu minentur.  
Ridet Mars pater & cruenta virtus,  
Cæsuræq; vagis grues rapinis.

*Augustinus lib. 16. de Civit. Dei c. 8.  
habet, Pygmaeos pugnare cum gruibus, sed  
vinci ab eis, famamq; esse insidere arietumq;  
caprarumq; dorsis &c. planè ut Plinius. Augu-  
stinum sequitur Scholiastes eius Ludovicus  
Vives.*

*Joan. Laurentius Anania propè finem  
tract. primi sue Cosmographiæ, ex mercatorum  
relatione tradit, eos in septentrionali Thracia  
parte reperiri (quæ Schytia est proxima)  
atq; ibi cum gruibus pugnare.*

*Jo. Cassanio, libello de gigantibus pag.  
73, in hæc verba solvitur: De Pygmæis  
fabulosa quidem esse omnia, quæ de iis  
narrari solent, aliquando existimavi:  
verùm cum videam, non unum aut alte-  
rum, sed complures classici & probatos  
authores de his homunculis multa in  
eandem ferè sententiam tradidisse; eò  
adducor,*



adducor, ut Pygmæos fuisse inficiari non aulim.

*Joan. Talentonius in Thesauro rerum recondit. lib. 3. c. 21. p. 551.* Constare arbitrator, debere concedi, Pygmæos non solum olim fuisse, sed nunc etiam esse, & homines esse, nec parvitatem illam impedimento esse, quo minus sint, & homines sint.

*Gellius lib. 9. c. 4.* scribit se è Græcia in Italiã reducem, Brundusij fascēs librorū venalium expositos coëmisse, qui diutino quidem situ squalebant & habitu aspectuq; tetro erant, sed scriptorum non parvæ autoritatis, *Aristeæ Proconnesij, Hsighoni Nicaensis, Ctesia, Onesicriti, Polijstephani & Hegesia.* In iis autem inter alia se legisse, non longè ab extremis Indici nasci Pygmæos, quorum qui longissimi sunt, non longiores esse, quàm pedes duos & quadrantem.

*Pomponius Mela l. 3. c. 9.* appellat ipsos minutum genus, ita benè interpretans verba *Aristotelis γένος μικρόν.*

*Sicco pede prætereò hic Olaum Magnum*  
C c c lib. 2.




De Pygmæis.

lib. 2. de Gentib. Septentrional. c. 11. tūm  
quod autor sit fabulis & mendacijs plenissi-  
mus ; tūm quod se audisset tantū scribat , in-  
colas Gronlandia pugnare cum gruibus ; tan-  
dem neq; ideo Pygmai sunt , si fortè sagittis &  
bastis , sicut alij homines , grues aliq; volati-  
lia conficiunt et occidunt.

CAPVT V.

Pygmæorum gens ex Ezechiele, atq;  
rationibus probabilibus adstruitur.

 Zechiel vocationem suam tribus  
capitibus primis exponens, atq; à  
c. 4 ad 24 prophetiam scri-  
bens de Judæis , qui per illud  
tempus tum in Judæa , tūm in Babylonia ha-  
bitabant , à cap. 25 usq; ad 32 in gentes ex-  
teras , quæ operam suam Judæis affligendis  
commodauerant , aut ex eorum infor-  
tunio voluptatem animo preceperant ,  
prophetiam instituit , easdemq; iis calamitates  
imminere docet , Ammonitis quidem , Mo-  
abitis



abitis, Idumæis & Philistinis, cap. 25. Tyro a. cui everisionem prædicit, atq; etiam de ultima Tyri vastatione per Alexand. Mag. exequendâ vaticinatur cap. 26. Denuo autem cap. 27 insanus Tyrionum luxus, eorundemq; exitium describitur, ut quò maior eius fuit gloria, eò conspectior futura sit eiusdem ruina; & Tyrus omnibus gentibus lamenti materia. Luxus a. describitur etiam bellicus; & de hoc inter alia sic loquitur v. 11. Propheta: Filij Arvad cum exercitu tuo super muros tuos per circuitum, & Pygmæi in turribus tuis fuerunt: scuta sua suspenderunt supra muros tuos per circuitum, ipsi perfecerunt pulcritudinem tuam. Ad quæ nervosè in paraphrasi addidit L. Oslander: Du hast in allen sachen müssen etwas besonders haben. Nam ex remotissimis quibusvis oris conquistos fuisse ad luxum variarum nationum homines patet ex versu precedente; imo passim toto capite.

Ceterum nunc verisimilitudinem sententiæ

Ccc 2

nostræ



### De Pygmæis

nostræ ut ostendamus , restat. Atq; initio  
impossibile non esse Pygmæos tales esse , vel sal-  
tem olim fuisse nemo non secum statuet , quod  
casu passim generatorum miram , atq; incred-  
ibilem in illa parvitate indolem attentius con-  
sideraverit. Deinde qui in alijs animalibus  
magnitudinis insignes differentias notaverit.  
Exemplo sint oves & agni ad iustam æta-  
tem provec̃ti , in regionibus septentriona-  
libus unico Regi Dania nostro clementiss-  
mo subiectis. In Selandia bac nostra pro im-  
plenda tonnâ ( quo nomine commune vas co-  
revisarium nostratibus venit ) agni saliti  
plurimum 14 requiruntur ; In Scania patra-  
meâ non nisi 10 ; in Gotia sive Gotlandia insula  
( unde olim Vise Gotbi prodierunt , ob eius ma-  
tropolin etiamnum Visbydictam ) 6. in J-  
landia duntaxat 4. Et cui non nota insigni-  
tudo ovium Indicarum magnitudo in India ? ibi  
dem formicas reperiri corporis magnitudi-  
nientem canem æquantes quis crederet , ne-  
huius rei testes haberemus Autores probatiss-  
mos Melam lib. 3. c. 4. Isidorũ lib. 12. c. 2. Vin-  
cent. nat. hist. lib. 20. c. 143. Solinum & Thua-  
nũ , qui lib. 24. historia sua scribit , eius modi fo-

m



micā Turcico Imperatori à Rege Persarū dono  
missa fuisse. Boves certè Frisorū & Suecorū tam  
differunt magnitudine ; atq; apud nos boves  
& vituli. Reperitur equidem & in nostris  
regionibus magnitudinis boum non leve discrimē.  
Vidi boves, quorum mactatorum unus & ultra  
tonnas repleverit. Vidi alios, in quibus  
nulla ulterioris augmentationis spes, quorum  
quilibet vix  $\frac{3}{4}$  tonne implenda sufficiebat.  
penè ergo sex vicibus primum genus alterum  
superavit.

In nullo a, bruto existimo notabiliores  
atq; insigniores magnitudinis differentias per  
europæū orbem observari atq; in equis & canis.  
Vidi equos pusillos non paucos, instar canum  
maiorum Anglicorum ; sed vidi etiam  
Tungaricos ( quales & Turcicos esse ferunt,  
uos non vidi ) ad camelorum altitudinem  
adsurgentes : quorum colla equitibus fuerant  
pro scutis & aggeribus. Vidi in hac mea pa-  
riā caniculas ad summum stature prove-  
tas, tantæ parvitatis, ut pugno meo ferè in-  
ludipotuerint, rabiosulas interea & mor-  
aculas : quæq; hirriente latratu peregrinos  
dominabus arcebant ; Vidi etiam in Anglia  
maxi-



## De Pygmæis

maximos equorum pusillorum altitudinem  
equantes. Taceo miras in arborum gener  
magnitudinis differentias; v. g. in malo ar  
bore, quid est malus pumila vel humilis ill  
instar bacilli ad arborem eiusdem gener  
proceram? Quæ certè cū in animalibus &  
vegetabilibus fiant; cur in humana specie no  
sit probabile, haut video; in primis cū detur  
magnitudinis excessus Giganteus; cur no  
etiam dabitur defectus? Quia ergo dantur  
Gigantes, dabuntur & Pygmæi. Quam eor  
sequentiam ut firmam admittit Cardanus li  
8. de rerum varietate c. 40. licet de Pygma  
is hoc tantum concedat, qui pro miraculo, no  
pro gente. Pergimus ergo: Si fuerunt Gigante  
pro gente; utiq; etiam verisimile est defectum  
videlicet Pygmaeos fuisse pro gente. At illud ve  
rum. Fuisse n. Gigantes ante diluvium, it  
post, tempore Abrahami, Moysi, Davidis, it  
apud varias gentes sub Xerxe, Alexandro  
Augusto, vide sis Joh. Cassanionis libellum d  
Gigantibus. Quid? quod in novo orbe regiones  
esse scriptores reliquerint; in quâ non nisi gi  
gantes? Et tales fuisse quàm plurimos ( non  
pro miraculo ) olim in nostra hac patria & v  
cipis Borealibus regnis, Norvegia atq; Suecia  
vide



videantur passim Saxo Grammaticus & Olaus Magnus. Vnde Gothos olim ob insignem magnitudinem corporū admiratum Justinianum Imperatorem testatur Procopius: imò ex Gigantea vastitate appellationem accepisse statuunt: Gigantes n. nostrā linguā appellātur tū Zetter/unde Futī, Gutbi, et Gotbi, tū Kemper/ unde Cimbri, cū C antiquitus ut K pronuncietur. Quinimò ex Caesaris cōmentarijs liquet, Romanos ob staturæ brevitatem à Gallis derisos fuisse. Quæ præterea non reliquæ & ossa Gigantum passim in hac Dania nostrā conspiciuntur? in quibus visu digna est costa virginis Giganteæ in monasterio Herrisvadensi, cuius Præses, Generosus Eques Dn. Andreas Bille, Regni Dania Senator, & meus constantissimus Patronus, non semel mihi illam contemplandam præbuit. Et quoniam Gigantum genus desisse videtur: eius tamen reliquias vivas, si uspiam, certè in Dithmarsia reperire licet; ubi præ alijs nationibus proceritate tam mares quàm fœminæ eminent atq; excellunt.

Ulterius ut probabilitatem fulciamus, addendū sceleton Pygmai, quod Dresdæ vidimus inter alia plurima, servatum in arce Sereniss.




## De Pygmæis

*Electoris Saxonia, altitudine infra cubitum, ossium soliditate, proportioneq<sup>3</sup> tum capitis tum aliorum; ut embryonem, aut artificiale quid esse nemorum peritus suspicari possit. Addita insuper est inscriptio veri Pygmai, qualis ab Historicis describitur. Vnde autem Elector acceperit, operam dabo ut expiscari possim.*

*Sunt qui Pygmaeos tam magnos esse scribant in Æthiopia, ut sunt pueri 7 vel 8 annorum, veluti legere est in quâdam epistola ad Pontificem Romanum.*

## CAPUT VI.

*Pygmaeos esse aut fuisse, ex varijs eorum adiunctis, accidentibus &c. ab Autoribus descriptis ostenditur.*

 *nisi specialia multa de Pygmæis ab Historicis in litteras fuissent relata, causam habuissent vel dubitandi dubitantes, vel negandi negantes. Jam quoniam non modò eorum mentio apud Autores iniecta, sed fideliter etiam*



etiam de ijs consignata varia; ut magnitudo, locus ac patria, barba, capilli, lingua, forma, virtutes, artes, venationes, animalia eorum, inimicitia & pugna cum nonnullis volucris; talia figmenti suspensionem de facili poterunt eluere. Quid n. in re fictitiâ tam diligentem operam tot Autores posuissent? Annon hoc operam fuisset ludere?

Ex autoribus ergo probatoribus in scenam prodeant

I. Magnitudo. Ea autore Ctesia, bonam partem est dimidij cubiti, in maximis v. duorum. Plinio lib. 7. c. 2. ternarum spitbamarum (unde spitbamæi dicti) vel 29 pollicum, id est, pedum duorum & 5. pollic. Gellius c. 4. lib. 9. ait, longissimos inter illos non esse longiores, quàm pedes duos & quadrantem: Juvenalis, more Poëtico, non esse pede uno altiores. Quæ pygmæorum parvitas occasionem dedit proverbio: Acrothinia Pygmæorum colosso accommodare; quo inanæ eorum opera deridetur, qui minima maximis aptare student. Autorum hic dissensus nullus est. Etenim sicut in nostris hominibus, ita indubiè in Pygmæis non omnes eius-

Ccc 5

dem



## De Pygmæis.

*dem magnitudinis : sufficit minimam & maximam in iis venari.*

2. Locus & patria. Ctesia est media India. Aristoteli l. d. & Plinio l. 6. c. 30. loca Schytica ad paludes supra Ægyptum. Scholiasta Homeri in media Ægypto. Plinio l. 6. c. 19. & l. 7. c. 2. ad extremos fines India ab oriente circa fontem Gangis in extrema montium parte, salubri coelo, semperq. vernante, montibus ab Aquilone oppositis. Qui locus etiam iis à Gellio l. 9. c. 4. adscribitur. Idem tamen l. 4. c. 11. Geraniam, quæ est in Thracia, illis tribuit, quæ Thracia cum sit proxima Schytia, confirmat assertionem Anania supra l. d. eos ex mercatorum relatione in septentrionali reperiri parte. Mela in sinu Arabico illos posuit. Paulus Jovius lib. de Moscovitica legatione docet Pygmeos ultra Japonem esse. Bartholomeus Anglicus l. 15. de propriet. rerum c. 121. vocat regionem Pygmaam, quæ Plinio in oriente India in montanis circa Oceanum. Has autorum disensiones facile fuerit conciliare: nec mirum diversas relationes à Plinio auditas. Sicut n. Tartari sc-

pè



pè sedes mutant, cum non domibus, sed plerumq; tentoriis utantur: ita nil mirū Pygmæos sedes mutasse sæpius, cum adiū loco vel cauernas vel casulas ex luto, pennis & ovorum putaminibus constructas subintrent. Quæ seditū mutatio ex ipso Plinio redditur manifesta, lib 14. c. 11. de Gerania Thracia verba faciente, ubi, ait Plinius, Pygmæorum gens fuisse (non iam esse) proditur, creduntq; à gruibus fugatos. Quod si considerasset Adrianus Spigelius, Medicus & Anatomicus Patavinus, olim in illa Academia mihi familiaris & commilito, non tam promptè Aristotelem hac parte deseruisset, eò quòd Franciscus Alvaret Lusitanus loca illa peragraverit, circa quæ Aristoteles Pygmæos esse scribit, nullibi tamen tam parvam gentem à se conspectam tradiderit.

3. Habitationes: iuxta Aristot. l. d. Ammianum & Philostratum, cavernas terræ subeunt & incolunt, unde etiam Troglodyta nuncupati. Plinius lib. 7. c. 2. ait, casas eorum luto, pennisq; &

ovorum



## De Pygmæis

ovorum putaminibus construi. Fortè utrumq;  
iis in usu; nam utrumq; perfacile.

Eò quòd terræ cavernas inhabitent, non  
iniuriâ dicti sunt olim Pygmai Terræ filij.  
Figmentum a. & fabula est, quam tradidit  
de iis Philostratus in imaginibus, in Herculis  
mentionem, eos fuisse, ut Antaum ( qui terra na-  
tus memoratur ) & ut huius fratris sui perem-  
ti mortem ulciscerentur, consilio inito adver-  
sus Herculem irruisse. Alioquin ex Quintili-  
ano terrâ orti videntur dici, quorum genus  
abolevit vetustas. Et scribit in Apologetico  
Florens Seximius, terræ filios dictitari vulgò,  
quorum sit incertum genus. Et Cæcilius Minu-  
tianus Apuleius in lib. de orthographia : i-  
gnobiles, ac quorum ignoretur genus, terræ  
filios à Cicerone & alijs nuncupari. Præstan-  
tissimi enim quig; Jovis filii à Poëtis diceban-  
tur. Sunt qui terræ filios, sævos dici ac im-  
manes homines putent; quando & Callima-  
chus, immanitate ac truculentiâ præsignes  
feras terrâ prognatas intelligi voluit. Hinc  
Gigantes fortè à Lucano dicti sunt terræ filij  
& terrigenæ, licet Cassanioni, ob monstruosum  
ortum; undè & Græci quidam Gigantes dici  
volunt



volunt ἀπὸ τῆ γίγνεσθαι ἐκ τῆς γῆς. Or-  
pheus a. & Hesiodus hos cæli terræq; filios esse  
tradunt, iuxta illud:

Nomine cœlicolas illos dixere Gigantes,  
Orti quod terrâ fuerint & sanguine cæli.

4. Forma. Simi sunt & deformes. Ctesias.

5. Linguâ usi sunt, quâ cæteri Jndi. Idem.

6. Pili: quibus etiam vestimenti loco utun-  
tur. Nam ut ex Ctesia audivimus, capillum  
usq; ad genua, & infra etiam dimissum, bar-  
bam quoq; quibusvis alijs hominibus promif-  
sorem gestant. Capillos a. à tergo infra genua  
demittentes, barbam a. ad pedes usq; protra-  
hentes, totum corpus pilis obducunt, illisq;  
se ipsos cingendo vestimenti loco utuntur.

7. Virtutes & artes ex eodem. Legibus  
utuntur quibus alijs Jndi. Sunt iustissimi &  
sagittarij peritissimi, quod pulchrè cum E-  
zechiele congruit, & Hieronymus ad cap.  
Ezech. 27 consentit: Quo nomine eorum  
3000 Rex Jndorum in suo comitatu olim ba-  
buit.

8. Animalia eorum quibus utuntur, iuxta  
Ctesiam, sunt oves agnis nostris pares; boves  
autē, asini, muli & equi arietes nostros magni-  
tudine



## De Pygmæis

tudine non superant. Ut ideo fortè dixerit Plinius famam esse, insidere illos sagittis armatos arietum caprarumq; dorsis. Aristoteles l. d. præterea genus equorum apud illos pusillum esse scripto reliquit.

9. Actiones varia. 1. ex Ctesia, Venationes, quas instituunt in lepores & vulpes non canibus, sed corvis, milvis, cornicibus & aquilis. 2. Ex Plinio, profectiones ad mare veris tempore, quas instituunt sagittis armati, & ova pullosq; alitum consumunt, quam expeditionem ternis mensibus conficiant, atq; aliàs futuris gregibus resistere nequeant. 3. Pugna & prælia cum gruibus: asserentibus Homero 3. Iliad. & Plinio atq; aliis plurimis, à quibus etiā vincantur & fugentur. Plin. lib. 4. c. 11. et Juvenalis l. d. atq; inducias habeant abscesu gruū l. 10. c. 23. Neg; hoc adeò mirandum: Cum & ex nostris hominibus iuvenis aliquando robustus à Cygno vincatur & alarum allisu aliquando ad ossifragium usq; tundatur: quid ni ergò grues Pygmæis insidiari poterunt, non alis modo, sed & pedibus & maxime oblongo in acutum rostro. Pugna

causam



## De Pygmæis

24.

causam fuisse satas fruges ait Mela, eò quòd  
cū illas ipsa absumebant, in summa erat annus  
caritate, ut ait Scholiastes Homeri in librum  
illius tertium Jliados. Hinc Ovidius lib. 6.  
Fastor.

Nec quæ Pygmæo sanguine gaudet avis;

Non ergo credendum Eustathio in Home-  
rum scribenti, Poëtam per gruam compara-  
tionem Troianorum tumultum amplificare;  
Pygmaeos a. tanquam iucundā fabula partem  
more suo inducere. Quod ipsum ex eo & ex  
Suidā docet Aldrovandus l. 20. de avibus  
c. 5. p. 141. Menecles a. 1. collectaneorum,  
referente Athenæol. 9. c. 12. non solum cum  
gruibus sed etiam cum perdicibus eos decer-  
tare tradit.

## CAPUT VII.

An Pygmai sint homines?



Actenus tribus precedentibus  
capitibus institutum fuit, an sint  
vel fuerint olim Pygmai, decla-  
rare. Quidam a. licet negare  
non sint ausi tam apertam histori-  
arum



## De Pygmæis.

arū veritatem, eos quidem exstare crediderū  
verū homines non esse contenderūt, sed potiū  
simiarum genus quoddam, quæ sententi  
fuit Alberti Magni l. 1. de animal. c. 3. qu  
eos vocat homines sylvestres, esseq; eos non  
omniñō homines, sed ex parte. Cui assentitū  
Suessanus in commēt. in 8 Arist. de hist. an. c  
12. & argumentis utitur: quod non habeant  
usum rationis perfectum, & quia careant  
verecundiā, honestate, iustitiā, iudicio & re  
ligione. Eiusdem sententiæ sunt Benedictu  
Varchius de monstris & Job. Tinnulus in  
Glotto Chrysio; & Paulus Jovius lib. de Mo  
scovit. Legatione docet Pygmæos magis ad si  
mias, quā ad homines accedere. Opinio  
nem, quod simiarum genus sint quoddam,  
complures neoterici sequuti sunt, inprimis  
Geographi, quos non puduit in mappis Geo  
graphicis loco Pygmæorum simias cum gruibus  
pugnantes ridiculè depinxisse.

Ad opinionem Alberti, atq; aliorū, respon  
dendum absurdum esse dicere ipsos esse ex parte  
homines ex parte bruta, cum medium inter ho  
minē & non hominē non detur. Deinde Alberto  
& Suessano non dandum, rationis usu carere  
eosdem,



eosdem. Sin autem minus & imperfectius  
ratione, quàm alij, utuntur ( de quo tamen ni-  
hil certi constat ) pari ratione pueri, Bæoti &  
Cumani adulti, moriones &c. ex numero ho-  
minum excluderentur. Et certè quæ capite  
precedente allata sunt, rationis usum non in-  
firmum aut infirmum arguunt. Eos sine reli-  
gione, iustitiâ, iudicio &c. esse, nullius gra-  
vis scriptoris autoritate firmari potest. Et  
si vel maximè essent; inde tamen homines  
eos non esse minimè evinceretur: siquidem ta-  
lis eorum defectus inde pullulare credi posset,  
quod ob timorem gruum in cavernis delites-  
cere cogantur; nec iis solis, ut in his peccent,  
contingat. Benè Cardanus, cuius verba non  
pigebit adscribere l. 8. de variet. rerum c.  
40. pag. 391. Qui v. dixerunt non  
hominū hoc esse genus, sed quippiam me-  
diū, quod neq; regatur, neq; habeat rēpu-  
blicam, loquitur tamen, & imperfectè,  
ut inter belluas & homines moribus &  
ratione sint constituti, velut & de Satyris  
antiquitas fabulatur: hi maiori repre-  
hensione digni sunt. Exisimant n. hoc,  
quoniam hominem pluribus principijs.

Ddd

â bel-



### De Pygmæis.

à belluis differre credunt, velut differunt  
pluribus potentijs, membris, facultati-  
bus atq; operationibus. Homo a. non ita à  
bellua differt: sed hoc uno quod est ratio.  
Est autē ratio, ut ex uno aliud inferre vale-  
at, quæ est sæpius (ut alias dixi) geminata,  
ut in numeris, in mundi constitutione, tot  
rerum varietates, tot ornamenta affert  
sicut in hypericonis herba pro exemplo  
videmus. Necesse est igitur animal habe-  
re, aut non habere hoc: neq; inter ista  
medium potest invenire: quod habet  
homo est, quod non habet bellua. Si di-  
cas imperfectam habere, hoc esse nequit:  
quoniam, ut in arcanis demonstratum  
est, omnis forma perfecta est, & suæ ope-  
rationis propriæ potens. Si obiicias,  
animalia quædam quosdam habere sen-  
sus hebetes, ut pisces visum: non forma  
hebes est, sed instrumentum cuius indi-  
cio est, quod & inter ipsa quædam præ-  
stant alijs, quoniam instrumentum ha-  
bent præstantius: at si forma ipsa & anima  
circumscriptam haberet facultatem, vel

subl



sub optimo instrumento melior fieri non posset. At si dicas, tales esse Pygmæos, hominum comparatione atq; rationis ipsius, quales sint pisces, visus habitâ ratione, in comparatione ad aves, ad quadrupeda: nihilo secius fatearis oportet, Pygmæos perfectos esse homines, quoniam eorum forma perfecta est: non autem medios inter belluas & homines.

*Itaq; quo minus homines sint Gigantes, excessus magnitudinis nihil impedit: ita neq; defectus, quo minus sint homines Pygmai. Verum enim verò fuerunt plurimi, qui Pygmæos esse, aut nunquam fuisse clarè & contentè negaverint; & hodie qui nil nisi quod ipsi vident, palpantq;, negitent. Ita enim & novator, alias ingeniosissimus, Jo. Goropius, vulgatam tot sæculis Giganteorum corporum magnitudinem in sua Gigantomachia, quam aliquot ante annos edidit, audacter pernegat, ut verè videatur ipse γιγαντομαχεῖν. Ita quidam stolidiores, persuadere sibi non sinunt à sacris literis primos patres nostros*

D d d 2

ad



### De Pygmæis.

ad 800 vel 900 annos etatem traduxisse, sed annorum brevitatem illam annorum multitudinem se posse eludere autumant; cum a quæ iis ac nobis luminaria creata fuerint in dies, tempora & annos; & nimiam annorum brevitatem initium generationis filiorum non admittat. Sic nonnulli quæ de latitudine & ambitu maiorum Babylonis, de Ægyptiis Pyramidibus, ex 7 orbis miraculis, de immanibus obeliscis &c. narrari solent, conficta esse existimant, quum tamen partim pluribus literarum monumentis, partim reliquiis quibusdam adhuc exstantibus veritas abundè sit comprobata. Nam in Babylone, quæ nunc Bagadat appellatur, ferunt superesse non obscura vetusti illius muri vestigia. In Ægypto quoque antiquæ & suspiciendæ illæ visuntur Pyramides. Et Romæ 2 ingentes obelisci conspiciuntur, quos non sine admiratione ego in iuventute meâ contemplatus sum. Non igitur protinus explodenda sunt, quæ à priscis accepta hominibus, sive de occultis naturæ viribus, sive de inauditis exterarum gentium moribus, sive de admirandis artificum operibus;



operibus, fidem superare videntur.

Quidnam porro potissimum plerosq; moverit, ut Pygmæorum historiam pro fabula acceperint, sequenti dispiciemus capitulo.

## CAPUT VIII.

Argumenta eorum, qui Pygmæorum historiam fabulosam censent, recitantur & refutantur.

**H** X autoribus luculentis, qui Pygmæos esse, aut fuisse inficiati sunt, deq; iis scripta pro commento fabuloso habuere, fuit inter veteres primus & solus Strabo: qui complures postea ex neotericis sequaces nactus est, Cardanum, Budaum, Aldrovandum, Fullerum, atq; alios. Et rationum quidem præcipua momenta, quibus permoveri quis posset, congestit Cardanus l. 8. de variet. rerum c. 40. confuso ordine; quæ nos ordinatius disponemus, solutiones postmodum subiuncturi.

D d d 3

1. Cum



## De Pygmæis.

I. Cum omnia orbis mirabilia nostrâ etate innotuerint, & novis navigationibus aliquoties totus peragratus sit orbis, cur non reperti fuissent Pygmæi? Hac obiectio etiam Spiegelij atq; aliorum est.

Respondeo I. Contrarium testari Mercatorum relationem apud Ananiam suprâ cap. 4. 2. & licet non inventi essent vivi à quolibet, pari iure Monocerota & alia negare liceret 3. Qui maria per navigat, vix oras paucas maritimas lustrat, adeò nō terras ōnes à mari distitas. 4. Neq; in oris illos habitare maritimis ex capite quinto manifestum est. 5. Quis testatum fecit se omnem adhibuisse diligentiam in inquirendo eos ut inveniret. 6. Ita in terra habitant, ut in antris vitam tolerare dicantur. 7. Si vel maximè omni ab omnibus diligentia quæsi fuissent, nec invēti; fieri potest, ut instar Gigantum iam desierint, nec sint amplius. II. Cardanus vel maximè urget Pygmaeos non concedendos eò quod 8 solum annis vivant. Hoc v. absurdum esse his autumat rationibus. 1. quod hominis vita tam brevis in una gente esse non possit. 2. Quia necesse esset aliquas gentes illis proximas 20 aut 20 etiam annis vivere. 3. Si tam parùm viverent, parum



### De Pygmæis

rūmetiam in utero matris essent, 4. Destituerentur proprio hominis fine, videlicet contemplatione; nam tam brevi viventes ad summam perfectionem in omnium scientiarum cognitione pervenire non possent.

Ad ipsam obiectionem quod attinet, autor nullus luculentus Pygmæorum etatem ad octo duntaxat annos contrahit, & si vel maximè hoc quis assereret, verisimile est inter illos ut nos vivere quosdam diutiùs, quosdam brevius. Sed concesso illo quod ponit adversarius, age despiciamus an quæ dicit absurda inde consequantur. Nam ad 3. cur impossibile? Simile certè affirmat Artemidorus, citante Plinio l. 7. nat. hist. c. 2. In Calingis eiusdem Indiae gente, quinquennes concipere fœminas, octavum verò vitæ annum non excedere. Ita & qui Pygmæos dicunt octavo ætatis anno mori, dicunt generare quinto. Et autor est Ctesias, in quadam India gente, fœminas semel in vita parere, genitosq; confestim canescere. Simile videre est in animalium generibus alijs. Quod vacca tertio vel quarto anno apud nos concipere incipiant cottidianum est: at vidi apud rusticos nostrates nondum biennes peperisse:

D d d 4

immò



### De Pygmæis

immò factum est in hac nostra Selandia , ut vitula vix semestris conceperit, & trimater pepererit. Taceo Garamantum genus quod non nisi 40 annorum vivit spacio. Ad 2. Non video hic necessitatem , cum sæpè in terris vicinissimis ob soli diversitatem effecta diversissima. Ctesias n. referente ibid. Plinio , habet gentem ex his quæ appellatur Pandora in convallibus sitam , annos ducenos vivere, in iuventa candido capillo, qui in senectute nigrescat : contra alios quadragenos non excedere annos, iunctos Macrobiis , quorum femina semel pariant : idq; & Agatarchides tradit : Et fœminas septimo ætatis anno parere , senectam quadragesimo accedere volunt Clitarchus & Megasthenes. Jam verò Onesicritus , quibus in locis India umbra non sint, homines vivere annos 130, nec senescere, sed ut medio ævo mori. Et Crates Pergamenos Indos , qui centenos annos excedant , nominat. Cynos Indorum genus Ifigonus annis centenis quadragenis vivere. Ad 3. facile solvitur. Vitulus enim 9 menses etiam in utero gestatur ; non tamen eadem illi, quæ homini, ætas & vitæ spaciū. Ad 4. Si hominis



hominis, quâ hominis ille finis esset; paucissimicerte hominum finem illum obtinent; Et integra nationes barbara illo fine destituuntur: An propterea non vel esse illos, vel homines non esse homines affirmabit Cardanus?

III. Cornelius de Lapide in 27 Ezeth. negat Pygmæorum gentem: Quia primus Pygmæorum autor est Homerus Poëta fabulosus. R. I. Nisi probetur omnia apud Homerum esse fabulosa & falsa; nihil militabit hæc ratio. 2. Autores alij permulti fide digni suprâ citati sunt.

IV. Idem: quia Autores inter se de loco dissentiant. Responsum est supra c. 5. de loco.

V. Alij inquit & obijciunt, pro fabulosis habenda, quæ paucorum oculis conspicienda se exhibent. R. Ridicula obiectio. Quis stupenda plurima in sacris literis recensita falsitatis argueret, quia vel pauci viderunt, vel bodiè similiter non conspiciuntur? Sic & in profanis historijs quedam sunt,

quæ



### De Pygmæis.

qua fidem videntur superare, licet verissima. Exemplo sint formica Indica, magnos canes equantes; de quibus supra. Cornu plantabile in Insula Goa, quod ex animalibus mactatis proiectum, radices agit in illa terra, non in aliâ itim, & radicem acquirit brassica similem: de quo Linschotus hist. Ind. part. 4. Ind. or. cap. 17. Et quis non pro mero sigmento cum Polydoro Virgilio haberet, reperiri anseres in lignis seu arboribus (quas pingit Claud. Duretus) nascentes, nisi rem ita se habere in Scotticis insulis confirmassent, Munsterus in Cosmograph. l. 2. c. de Scotia, Cardanus de varietate rerum. Olaus Magnus l. 19. c. 8. Maiolus tom. 1. canicular. c. 21. Lobelius in Herbario. Hector Boëth. in Scotia descriptione in Insulis Hebridibus, Ortelius in Scotia & Hybernia, Cornel. Scribonius in Epit. histor. de gentibus septentrion. Alex. ab Alexandro de diebus genialibus, Antonius Torquemada in suo Hexamero. Job. Bapt. Porta in Phytognom. Andreas Thevetus in suâ Cosmographia, Pierius Va-


lerianus




De Pygmæis.

29

lerianus in suis Hieroglyphicis. Job. Boterus  
in sua relatione. Aldrovandus in Ornitho-  
logia & de Testaceis lib. 3. c. 178. itim Gy-  
raldus in historia Hiberniæ, Saxo Gram-  
maticus, Æneas Sylvius in descri-  
ptione Europa, & alij  
complures.









CASP. BARTHO-  
LINI  
DE  
STVDIO  
MEDICO

*Inchoando  
Continuando &  
Absolvendo*

CONSILIVM  
*Breve atq; extemporaneum.*



HAFNIÆ  
*Excudebat Georgius Hantzsch,*  
*Anno 1628.*





Optimè ingenuato & paternarum  
*virtutum amulo Juveni,*

PETRO CHARI-

SIO, *Jonæ filio, Medic. & Phi-*  
*losoph. Studioso, amico & affini suo:*

*Nec non filiolis suis,*

BARTOLO, THOMÆ,  
CASPARO, ALBERTO,  
IACOBO, & ERASMO

D. D.

CASP. BARTHOLINUS

*S. S. Theol. Medic. &*  
*Philos. Doctor,*





CASP. BARTHOLINI  
DE STUDIO MEDICO

Inchoando  
Continuando &  
Absolvendo

Pro accurato & suprà vulgus futuro  
Medico, Consilium breve atq; ex-  
temporaneum.



Uandoquidem, mi Charisi,  
varijs documentis edoceor, a-  
nimum te ad artem Medicam,  
exemplo avi tui materni, Me-  
dici et Spagirici olim incomparabilis, & nus-  
quam non celebris, Doct. Petri Severini p.  
m. appulsurum; mearum partium esse  
cogitavi, non affinitatis tantum, sed e-  
tiam, & vel inprimis ultime patris tui  
(heu quanti viri amissi!) in mortis agone  
voluntatis causâ, hanc cura tui partem in me  
suscipere, ut to de studio hoc Asclepiadeo

aggre-



## De Studio Medico

aggrediendo, & cum Deo, nisi propositum mutaveris, perficiendo nonnihil instituerem, idq; eâ fidelitate atq; ingenuitate, quâ proprios filios in id monitos, atq; institutos discupio, si qui forte illorum adolescente aetate huic se studio sint sacraturi: quo nomine eos tecum inscriptione iungere libuit. Quamquam enim iam anni abierunt, cum omnibus occupationibus Medicis, quâ publicè, quâ privatim, quâ theoriam, quâ praxin, sepositis, sapientie cœlestis doctrinam iuventuti, publicè ac ordinariè, Deo sic vocante, & Magno Rege meo, reliquoq; Magistratu iubente, instillare inciperem: quia tamen artem medicam pro virili, annos non paucos primum in exteris, apud Germanos, Bohemos, Italos, Siculos, Gallos, Belgas, & Britannos, deinde in patria Danorum Academia Regia, docendo & operando, etiam apud Regios & Principes viros, Comites, Barones, & innumerâ nobiliû aliorûq; ignobiliorû multitudinem, excolui atq; exercui; huic negotio alios edocendo non penitus impar aut insufficiens censebor Non autem ad pompam, sed ad usum hoc meum erit consilium; ideoq; breviter & ex tempore



## De Studio Medico

2

tempore, alijs, iisq; sacris laboribus occupatus, animi mei sententiam vobis, mi Affinis, vosq; filioli mei, aperiam, rebus magis, earumq; momentis, quam locutionis ampullis velificaturus.

Primum ergo & ante omnia pietatem vobis commendo, vita integritatem, preces cottidianas, amorem verbi Dei, eiusq; auditum:

Ni Deus affuerit, viresq; infuderit verbis,  
Quid rogo Dictānus, quid panacea iuvat?  
Frustra omnis labor suscipitur, omnis peregrinatio, omnis molestia, cura, studiū, vigilia, sine pietate. Animalis homo hanc monitionē: vel negliget, vel floccipendet, vel fortē ex insania quādam irridebit; at spiritualis, qui omnia diiudicat, & mentem Dei tenet 1. Cor. 2. animo perpendit, pietatem magnum lucrum esse, ad omnia esse utilem, habereq; cum præsens tum futura vitæ promissionem; 1. Tim. 4. & 6. animo secum meditatur, diligentibus Deū omnia cooperari in bonum Rō. 8. E contra omnem creaturam ingemiscere, refractariam homini, quando huius vanitati subiecta esse cogitur, ideog; liberari exoptat,  
E e e neq;



## De Studio Medico

neq; homini servire. Quod si ita est, uti revera ita esse spiritus Dei inculcavit, quâ felicitate invitis canibus quis venabitur? quâ felicitate impius studium aliquod vel meditando tractabit, vel operando exercebit? Videntur sibi quidam sine pietatis studio Medicinam, more Ethnicorum & Judaeorum fortè velle aut posse facere. caterùm aut ad tempus duntaxat durat felicitas; vitiorũ amore omnia in mente & manu coinquinante: aut evigilans conscientia, melancholiam incurabilẽ progenerans perturbat omnia: aut eadẽ mentẽ buius morbi liberã, inquietã anxiamq; in dubiis percurandis, aut malè percuratis reddit casibus. Qua omnia & singula preces atq; ex verbo Dei solamina potentissimè depellunt. Quãobrẽ in lucro ponet qui vis artis buius studiosus, singulis matutinis, præmissis precibus, caput unum atq; alterum ex sacrosanctis Bibliis, non perfunctoriè, sed attentè & meditatè, perlegere; atq; ita ut singulis annis universa Biblia percurrendo absolverit. Nescis n. quisquis es, quia flos es evanidus, dicto citius deflorescens, quid ferus vesp̃er vehat, et nemo crastinum sibi polliceri poterit: ac si vel  
maximè



### Consilium.

3

maximè Nestoris tibi polliceberis annos, quis  
tamen non illà cumprimis imbui gestiet do-  
ctrinà, qua in altera vita usum est habitura,  
omnibus alijs disciplinis atq; scientiis rerum  
secularium sempiternà oblivione sepeliendis.

In adyta Medicorum, illotis, quod dici-  
tur, manibus minimè irrumpendum, sed præ-  
mittenda

Linguarum Latinæ & Græcæ, quibus  
præcipua huius artis decreta sunt consignata,  
accurata & minimè superficiaria cognitio.  
Quid n. ex alijs percipies, aut alijs docendo  
tandem explicabis, latinè non satis doctus?  
quid ex Hippocrate vel Galeno benè vel malè  
dictum æstimabis, Græcanici ignarus idio-  
matis? Poësis sive Græcorum, sive Latinorum  
futuro Medicorum vel nihil utilis: iis ta-  
men quibus vena ac indoles, ornamentum.  
Sic neq; Arabica Lingua magna utilitas: nam  
etsi Arabes Medici à peritis huius lingua ex-  
actius intelligantur; tamen cum illi à Græcis  
sua meliora extraxerint, & ne quidem meli-  
ora semper assecuti sint: præstabit ex ipso fonte  
aquas bibere: quam ex lutulentis inde deriva-  
tis lacunis. Satis multa sunt necessaria planè,  
Ecc 2 in qui-



## De Studio Medico

*in quibus atatem insumere dabitur : Non enim frustra dixit 1. Aphor. Coryphaeus huius artis : vita brevis, ars longa &c. Vno saltu qui plures lepores assequi volet, ingenij acumine, atq; amplitudine, Latinam linguam ex Cornelio Celso, Fernelio, & Joanne Heurnio; Græcam ex Hippocrate & Galeno venabitur : ita rebus pariter Medicis & styli nitori adsuafiet.*

*Philosophia organa Rhetorica & Logica non posthabenda : hæc imprimis divinationi inserviens, ubi causa morborum indaganda, præfagia & prædictiones instituenda, signa venanda & colligenda : ubi non faustiter satis sine rationis adminiculo artificiali datur progredi. Inferior in usu est Rhetorica; non enim verbis sed herbis æger curatur. Præcipui harum artium Doctores in meâ Rhetorica & Logica sunt annotati.*

*Philosophiam practicam, quia exigui usus in hoc studii genere, perfunctoriè percurrisse sufficiet, atq; ob usum in vita communi non neglexisse penitus. Accuratioꝝ tractatio Jurisconsulto necessaria est, non Medico.*

*Metaphysica etiam nullum penè usum  
Medico*



## Consilium

4

*Medico praestat. Ingeny bonitate qui pollent atq; acumine, & otio abundant; inprimis si Philosophi Professores in Academiis futuri, eius dogmata ex precipuis authoribus haurient, quorum nomina Enchiridion nostrum Metaphysicum post praeloquium recitavit.*

*Phylica verò & Mathesis tam sunt in rem Medici, quam Ethica J. Cti. Ubi n. desinit Physicus, ibi incipit Medicus.*

*Arithmetica ad criticas supputationes, ad medicamentorum compositorum examen & resolutionem atq; ad alia utendum: suffecerit vobis Longomontani, praesertim auctior illa & correctior, quae brevi prodibit; Interim Clavij vel Vrstisij.*

*Geometricum compendium Dybvadij iunioris, Dani, si publicè prostaret, esset perquam accommodatum. Huius defectu compendiosus est Rhodius, Clavius paulò prolixior, sed lectione dignus. Alii enim plerumq; prolixiores sunt, ideoq; futuro Medico, cui universa natura est contemplanda, tediousiores.*

*Opticam ex Albazeno, Vitellone & Keplero addiscetis.*

*Astronomiam ex scriptis Tyconis Brahe,*  
Ecc 3 *conterra-*



## De Studio Medico

conterranei nostri; additis Astronomicis Kepleri. Vnus v. pro omnibus sufficiet Longomontanus, Astronomus post Tyconem nulli secundus, affinis noster: Cuius Astronomia Danica evolvenda, doctrinam Triangulorum, Sphericam, Theoricamq; errantium mirâ dexteritate enucleans.

Astrologiæ usum in facienda Medicina, quam Iatromathematicam vocitarunt, licet plurimi scripto comprehenderint, ut Marsilius Ficinus, Ganivettus, Guido Villariensis, Aug. Niphus, Chrysogonus Fadertinus, Gauricus, Steflerus, Carellus, Schollius, Transtetterus, Schylander, Boderius, Angelus Blondus, Ferrerius, Peucerus, Galucius, Hasfurtus, Maginus & complures alii: duos tamen postremos cum primis vobis habete commendatos.

In Physica compendiosiori familiam ducunt Magirus & Sennertus. Quid verò nos in eadem prestiterimus, iudicium penes lectorem esto. Neq; n. moros eorum mores imitari animus est, qui consilia pro studiis instituendis daturi, sua præ aliis scripta fastuosè extollunt, atq; etiam quæ in rerum natura non reperiuntur, suo nomine adsuto commendant: nihil nisi



### Consilium.

nisi quod ex suo tanquam Jovis cerebro ( unde  
meras scilicet projiciunt Pallades ) profectum,  
rectum putantes , ac si omnes alij

Sint viles pulli , nati infelicibus ovis.

Nemini quicquam detractum volo : sed a-  
liis detrahentes ex superbia spiritu , qui ipsissi-  
mus est Satan , aversor. Neq. n. uni mortali  
omnem scientiam , prodigiosa quadam prodi-  
galitate infudit natura , aliis omnibus nover-  
cata , sed variè sua dona hominibus distri-  
buit Spiritus , aliis quidem sic , aliis autem alio  
modo. Vnum sicco pede praterire non possum :  
Encbiridion Physicum Argentina editum , sub  
meo nomine , me inscio atq. invito ; & quod  
iniquissimum , libros 2 posteriores adiectos  
à quo nescio , meo prefixo nomine ; qui tamen  
mei non sunt , aut fuerunt unquam. Itane mei  
calumniandi ansam dederunt ? cum in alijs  
meis scriptis reperiantur plurima , quæ è dia-  
metro cum duobus istis libris dissident.  
Inspexi primum Witeberge in transitu ex  
Bohemia redux Anno 1624 in Octobri ,  
adstantibus quibusdam meis populari-  
bus : quibus statim de hac mihi illata in-  
iuria conquestus sum , & paulo post amico meo

Eee 4

ve-



## De Studio Medico

veteri Dn. D. Ambrosio Rhodio, aliisque Professoribus. Domum reversus duos libros supposititios diligentius percurri, & deprehendi, penultimum esse totum ex Magiro desumptum, ultimum v. ex Scheibleri tract. de Anima in compendium redactum. Quo animo hac mihi illata iniuria, Deus novit. Forte ne deesset dicam plagij mihi scribendi occasio, quam quidam ante annos paucos, in Consilio de Studio Medico studiosè quævisse visus est, meq; eius reū fecit in Anatomicis contra propria conscientia testimoniū & fidē oculorū cuiusvis hominis literati, qui conferre meas Institutiones Anatomicas cum aliorum potest. Scripsit me omnia in Anatomicis ex Aquapendente & Baubino bonā fide descripsisse. At quā fide hæc de me scripta sint, in admonitione editioni Anatomia mea Rostochiensis subnexā ostendi. Hoc tamen tum à me omisum: ipsum Baubinum, virum optimum mihiq; amicissimum, ultimam theatri sui Anatomici editionem, nonnullis ex mea Anatomia, adscripto etiam nonnunquam meo nomine, exauxisse. Existimavit fortè laureatus ille, Danos Baotos esse, aut

Vervicum in patriā crassosq; sub aëre natos,  
præ aliis: sicut ille, qui mirabatur olim Saxoni  
Gram-



*Grammatico, Historico clarissimo, homini Dano, tantam eloquentiam contigisse. Sed querelarum desino; praesertim cum qui de me illa scripsit, manu sua postea testatus sit, ab amanuensi se inscio & invito verba illa de me irrepsisse: ideoque in alijs editionibus corrigenda. Quamobrem Christiana charitatis memor, lubens hanc iniuriam scriptori condonabo.*

*Pro Mineralium, Metallorum, & lapidum natura omnino coniungendi sunt Casalpini, Encelius, Libavius, & Anselmus Boëtius de Bood.*

*In Botanicis, Lobelius, Tabernaemontanus, Herbarium Tragicum notis Sebisy, Matthioli Baubini, & Clusius. Quanquam viva herbaria propriis manibus colligere & reservare, lectioni multa Botanices praestiterit. Modum ac methodum colligendi ac servandi vide apud Spigelium in Jfagoge in rem herbariam.*

*In historia Animalium, ut avium &c. consulendi praeter alios Gesnerus & Aldrovandus.*

*In Anatomicis, Vesalius, Laurentius, Baubinus, atque quem nuper videre contigit,*

*E e e 5*

*Rio.*



## De Studio Medico

Riolanus iunior. Quod si Archang. Piccolom.  
Praelectiones, Columbi, Aquapendentis,  
Casserij scripta simul percurratis, opera dis-  
pendium minimè estis facturi. In primis  
privata sectiones animalium, & eorundem  
partium frequenter instituenda; & publica  
cadaverum humanorum, quoties fieri  
potest, frequentanda. Quoad Icones, omnes  
penè quotquot hactenus exierunt, & vi-  
dere mihi contigit, ex Vesalio desumptae  
sunt, nisi quod Aquapendens & Casserius non-  
nullas accuratiores de Organis sensuum edi-  
dère; atq; ille insuper de venarum valvulis, hic  
de vocis instrumentis: Varolus & Archan-  
gelus de vero nervorum principio ex medulla  
cerebri: Laurentius de venis quibusdam u-  
terinis; & Bauhinus de coli ostiolo.

In Medica ipsa arte commendo, prius-  
quam ad Hippocratis & Galeni opera accessus  
fiat, Fernelium & Sennerti Institutiones  
medicas, eius demq; de febribus doctissimum  
tractatum.

In Controversijs & disputationibus Foubertum, Vallesium, Sylvaticum, Mercatum & Horstium.

In dia-



In diætetica parte, *Quercetanus*, *Pisanellum*, & *Bruierinum*. In simeiotica *Tau-  
rellum*. Depulsibus *Saxoniam* & *Struthi-  
um*. De *Vrinis* *Willichium*, *Reusnerum* &  
*Fabricium*.

In Curatione morborum particularium  
omnium, unicus sufficit *Platerus*, quem si no-  
vit quis, omnes cognorit. Qui volet, coniunge-  
re poterit *Capivaccium*, *Mercurialem* &  
*Rondeletium*.

In Chirurgiâ præstantes sunt *Mercatus*,  
*Vesalius*, *Paraus*, *Aquapendens*, *Fabricius*  
*Paterniacensis*, *Felix Wierus*. Verùm non  
pudebit manum in *Italia* & *Gallijs*, ubi opti-  
mi *Europa* Chirurgi, operi admodum, atq; ex  
cottidianâ praxi præcipua, non quibusvis  
lippis & tonsoribus nota, notare.

In Pharmacopœa vulgari, *Cordus*,  
*Weckerus*, *Quercetanus*, *Renodeus*, dispen-  
satoriâq; varia perlustrandâ; imò pyxides &  
cellule apud Pharmacopolas frequenter lustran-  
dæ, ne quid Medicum fugiat, quod operæ  
Pharmacopæorum norunt.

De cōpositione medicamētorū eruditissi-  
mè scripse-



De Studio Medico  
*scripserunt Vallesius, Capivaccius, Haslerus  
& Tovarivus.*

Pharmacopœa Spagyrica seu Pyro-  
technia curâ & vigilijs assiduis atq; accubui  
attendenda, non tantû ex scriptis Quercetani  
Libavij, Crollii, Beguini, Rulandi, Basili  
Valentini, Penoti, Sala, Mulleri, Finckii, at-  
q; aliorum; sed quia præcipua Chemiæ arcana  
inter viros eruditos, imo etiam Principes  
delitescunt; in ea semper inter peregrinan-  
dum inquiratis, qualia sunt Tyconis Brahe  
Nobilis Dani, Petri Severini, Archiatri olim  
Regis Daniae, Bannisteri Angli, Hartmanni  
Hassi, Job. Baptiste Porta Neapolitani, atq; in-  
primis Serenissimi Regis mei, Christiani quarti  
&c. Domini Clementissimi. Non dubito, mi  
Petre, Avum tuum maternum D. Petrum  
Severini, plurima reliquisse in pluteis laten-  
tia, quæ faciliè ab avunculo tuo impetraveris.  
Vos verò, mei filioli, si ad hanc artem aliquan-  
do animum applicueritis, multa volumina  
rarissimorum arcanorum tum spagyricorum  
tum aliorum, quæ magno labore & studio  
in varijs Europæ Regnis acquisivi, in meâ  
bibliotheca Chymica invenietis. Non sum  
equidem



equidem nescius, quosdam arcana eiusmodi  
contemnere, nec multū de iis laborare, methodo  
medendi contentos. Verū, hoc est faciendū, &  
illud non omittendū: Non rarò in casu despe-  
rato nobile aliquod desideratur auxilium. Im-  
mò non pudebit etiam ab aniculis & barbiton-  
soribus viliora experimenta expiscari, modò  
probata & sepè cum successu usurpata.

Manus semper operi admovenda &  
carbonibus & vitris: alioquin laterem lava-  
bitis. Theorias Paracelsistarum haurire licet  
ex Petro Severini, Petrei Nosologia, Ware-  
nio & alijs.

Apodemica necessitatem Galenus in li-  
bello, quod optimus Medicus idem sit Philo-  
sophus, asseruit. Non enim omnis fert omnia  
tellus, sive ex mineraliū, sive ex vegetabilium,  
sive animalium generibus. Neq; omnes præ-  
claros Medicos una regio vel provincia coëgit.  
Vbi quæso tales Medica artis, & Spagyrica  
præsertim eruditionis antistites in Germania  
Academjs invenies; quales Witeberga Da-  
niel Sennertus, & Rostochij. Jacobus Fabri-  
cius, amici mihi coniunctissimi? In Botanicis  
qui excellere cupiet, certè voti compos fiet  
facilius



## De Studio Medico

*facilius & felicius, ex conversatione D. Jungermanni in Academia Gießena; & D. Burseri in nova Academia Danorum Soranâ, quam alibi. Sic Anatomica sectiones publicæ frequentius administrantur Patavij, Bononia, Roma, Montispelij, Parisijs & Lugduni Batavorum, quam alibi. Horti Medici plantis exoticis referti cultiores, Patavij, Pisis, Bononia & Montispelij, quam loco ullo in alio. Medica & chirurgica praxeos exercitia crebriora, pro spectatoribus studiosis Patavij & Florentia, quam ullâ Europæi orbis in parte.*

*Ex quibus pauculis exempli loco adductis, quid peregrinationes conferre futuro artis Medicae Doctori possint, nemo non nisi qui fungus & stipes, intelligit.*

*Valete, & Deo atq; proximo servire discite. Hafnia, Anno 1616.*





## *Errata sic restituantur.*

In Opusc. Primo. Pag. 3. lin. 20, lege  
occurrere. Pag. 6. l. 14. Exerc. p. 10. l. pe-  
nult. niger. p. 13. b. l. 2. insequentes. P. 20. l.  
6. confirmata. P. 25. b. l. antepen Quibus-  
dam Æthiopia ut &c. P. 30. l. 8. Monocerotes.  
P. 43. l. 20. noluiſti. p. 45. b. l. 7. boum furto.


In Opusc. secundo. P. 4. l. 4. & trans-  
parentia. p. 9. l. 8. repullulare. p. 17. b. l. 3.  
ureterum. p. 26. b. l. 12. jaspis. & l. 18. ten-  
tigines.

In Opusc. tertio, P. 3. l. 8. primùm, P.  
4. b. post quartam lin. lege: Econtrà non pau-  
ci magni, stolidi, inertes, barbari, impij. Vi-  
de &c. P. 5. l. 10. nasci narrant. P. 8. l. 6.  
Complutensia. P. 14. l. 13. lacu. P. 13. l. 7. in  
Versu Homeripassim sphalmata occurrunt &  
etiam vocum defectus: ut vers. 4. legendum,  
ἐπεὶ οὖν: itim ἀθεσφαλον. & vers. ult.

Φέγουσαι. Reliqua, prasertim quàm accen-  
tus & spiritus, ipse Lector beni-  
volus restituat.









DE STUDIO  
THEOLOGICO COM-  
pendiariâ & genuinâ tamen ra-  
tione incoando & con-  
tinuando

BREVE

CONSILIUM

Autore

CASP. BARTHOLINO  
S.S. Theologiæ D. & Prof. in  
Acad. Hafn. ordinario.



H A F N I Æ,  
Typis HENRICI WALDKIRCHII.  

---

M. DC. XXVIII.



*Reverendis, pietate, eruditione  
& prudentiâ prestantissimis  
Viris;*

**P R A E P O S I T I S**  
**Ecclesiarum J H E S U C H R I S T I in**  
**Scania, Hallandia atq; Blechingia**  
**Provincialibus, amicis atque**  
**fratribus plurimùm ho-**  
**norandis**

**D. D. D.**

*Cass. Bartholinus.*





DE STUDIO THEO-  
LOGICO GENUINA ET  
compendiariâ tamen ratione,  
inchoando & conti-  
nuando

*BREVE CONSILIUM.*

**N**on frustraneam aut  
inutilem futurâ hanc  
opellam nobis per-  
suademus, quòd cum  
in tanta ubiq; studiosorum The-  
ologiae multitudine vix centesi-  
mus quisq; ad metam duplicato  
etiam sumptu & labore pertin-  
gat; non pauci tamen ob viæ &  
methodi in stadio illo decurren-  
di ignorantiam propter viam  
magis quàm in via, immò extra  
orbitam & chorum, quod dicitur,  
crebris erroribus ac longis amba-  
gibus saltantes faciliùs ad sco- *Causa ra-*  
pum pervenirent, si vel non ita il- *ra Erudi-*  
lotis manibus in sacraria sapien- *tionis The-*  
tiæ cœlestis irruerent, vel intra *ol.*

A 2

cer-



certos limites & cancellos pro-  
gredientes, se scirent continere.  
Hinc fit, ut quidam post multo-  
rum annorum in hoc studio labo-  
res & vigilias, vix textum ali-  
quem ex fontibus possint inter-  
pretari, multo minùs, quis ejus  
verus & genuinus sit sensus, ex  
collatione locorum alijsque ad-  
miniculis explicare. V. G. Episto-  
lam aliquam Apostoli alicujus,  
quam pij, ad quos scribebatur, il-  
licò intelligebant, non nisi com-  
mentarijs plurimis adhibitis in-  
telligunt: imò ne sic quidem; ob  
commentatorum discrepantes  
opinionēs: ut sæpiùs recedentes,  
quàm cùm accesserunt, minùs in-  
telligant. In dogmatibus fidei  
proponendis, quia non Biblia,  
sed eorum loco & præ ijs locos  
communes aliquot, & compen-  
dia aliqua Theologica (quibus  
suus locus esse potest, at non pri-  
marius) immane quàm jejuni!  
Quòd si aliquando Biblia inspici-  
unt,



unt, frustillatim inde aliquid ex-  
cerpunt, & particulam tantum  
considerant, quam vel ad locum  
aliquem communem, vel contro-  
versiam decidendam vident cita-  
ri. Quidam contenti sunt Postil-  
lis ad docendam plebem, genui-  
num textus sacri sensum aliunde  
non investigantes: miseri, tem-  
pore persecutionis, ubi ad manus  
non sunt Homiliae. In refutan-  
dis adversarijs non ad verbum  
Dei vivum confugiunt, quovis  
gladio ancipite penetrantius;  
sed ad definitiones hominum,  
imprimis misellorum scholasti-  
corum, ad libellos Eristicos, ad  
disputationes Sophisticas, & id  
genus alia debilia praesidia: cum  
interim ipsa *scriptura utilis sit non  
tantum ad doctrinam, sed etiam re-  
dargutionem & correctionem, ut per-  
fectus sit homo Dei, &c. 2. Tim. 3, 16. 17.*

Quibus omnibus malis ut oc- *Propositio.*  
curratur, brevissimam metho-  
dum ostendere animus est ad so-  
lidam



lidam & veram sapientiæ cœlestis  
cognitionem perveniendi ; non  
quod nos præ alijs satis feliciter  
illam olim ingressi simus , sed  
quòd instar nautarum nos profi-  
teamur , qui cum ipsi navi ad sco-  
pulum allisâ & elisâ vix salvi ena-  
tarint , alijs tamen solventibus re-  
ctè possunt consulere , common-  
stratis periculis.

Hujus methodi si quis sum-  
mam scire volet , tribus verbis ,  
immò uno possumus eam expri-  
mere.

*Summa  
Consilij.*

Tria enim requisita potissi-  
mum sunt eò deveniendi. Si quæ-  
ras de primo , respondeo , *Biblia* ;  
si quæras de secundo , respondeo  
*Biblia* ; si quæras de tertio , respon-  
deo *Biblia*. Primò inquam *Biblia*  
*in lingua vernacula* familiaria pue-  
ritiæ reddenda. Deinde *Biblia in*  
*fontibus* , quorum notitia est instar  
commentariorum. Tandem ,  
*Biblia cum Commentarijs* meliori-  
bus. Aliàs frustra Petrus scribe-  
ret,



ret, 2. Epist. 1. v. 19. nos benè facere  
attendentes prophetico sermoni q:  
lucerna lucenti in loco caliginoso, do-  
nec dies clucescat, & lucifer oriatur  
in cordibus nostris. Sic Paulus Ti-  
motheum suum laudat, quod à  
puero sacras literas didicerat.

Diabolica ergo est vox Politia-  
ni, qui rogatus nū Biblia legeret;  
respondebat, semel à se hoc esse  
factum, & quòd tempus nun- *Politiani*  
quam pejùs perdiderit: fortè *impietas.*  
quia stilus non placuit, quo ta-  
men licet simplici in fontibus,  
nullus unquam sub cœlo gravior,  
potentior, plenior.

Stolidissimi, qui apud Pontifi-  
cios præsertim in Italia & Hispa-  
nia etiam futuros Theologiæ  
Doctores arcent à lectione Bibli-  
orum, non solos Laicos. Habui in *De Theo-*  
Italia commensales plurimos *logis qui-*  
Theologiæ Doctores, quibus ta- *busdam*  
men non visa Biblia; cū quære- *Pontifi-*  
rem qua ratione gradum conse- *ciis.*  
cuti essent, respondebat unus, in



via Thomæ: alter, in via Scoti  
Idem ante Lutheri tempora in  
Germania contigisse testis est  
Aurifaber in præfatione super  
colloq. Lutheri Anno 1569, Lu-  
therum sæpenumero recensuis-  
se, Carolostadium per octenni-  
um Doctorem Theologiæ saluta-  
tum fuisse, antequam Biblia lege-  
re inciperet: Et tamen in statu-  
tis Collegij Theologici Witteber-  
gensis Academiæ scribitur inven-  
tus in disputationibus atque exa-  
minibus sufficientissimus. Immò  
testatur idipsum Pontificiorum  
Patronus, Albertus, Archiepisco-  
pus Moguntinus & Magdeburg:  
atq; Marchio Brandeb. in Episto-  
la ad Roterodamum Anno 1518  
præmissâ libello ejusdē de ratio-  
ne perveniendi ad veram Theo-  
logiam, ubi inter alia scribit:  
*Tu tantus vir, his literis, hac indu-*  
*stria communem Germaniam ab fe-*  
*da Barbariei appellatione vindicas,*  
*immò tu divinam Theologiam ab illa*  
*anti-*



antiqua Germana in novam quan-  
dam & impuram aliquot jam seculis  
deformatam suo splendori reddis, ac  
priscum in nitorem restituis. Quid e-  
nim desiderari nostra etate potuit,  
quam ut emendatiora essent Novi In-  
strumenti exemplaria &c. hæc ille.  
Sed ut omnia explicatiùs pertra-  
ctentur, sequentibus requisitis  
specialioribus universam metho-  
dum studium percurrendi The-  
ologicum inclusum ibimus.

#### REQUISITUM I.

##### *Preces & Pietas.*

**P**rimum & primarium requi-  
situm ad veram sapientiæ cœ-  
lestis scientiam perveniendi sunt  
*Preces devotæ quotidianæ* & toto vi-  
tæ tempore assiduæ pro divino  
auxilio in tam sublimi & sacro  
studio impetrando. Absque hoc  
enim omnis nostra in studijs qui-  
buscunque exercitatio miserabi-  
lis est exerratio. Omnino enim  
*ad omnia utilis est pietas, habens pro-*

A 5                      mis-



missionem presentis & futurae vitae,  
1. Timoth. 4. v. 8. Neque enim humana  
diligentia aut sapientia profunda Dei  
scrutatur, sed Deus nobis illa revelat  
per Spiritum Sanctum. 1. Corinth. 2.  
Neque humana voluntate allata est o-  
lim scriptura Prophetica, sed acti  
a Spiritu Sancto loquuti sunt sancti  
Dei homines: Neque ulla scriptura Pro-  
phetica est ἰδίας ἀπαλύσεως, 2. Petr. 1.  
v. 20. & 21. Interim tamen hinc  
non sequitur, quod ἀμαθεῖς (rudes  
vel ignorantes prima rudimenta  
& μαθήματα) ἀσήμκτοι & ἄθεσμοι  
accedere debeamus ad sacræ  
Scripturæ interpretationem,  
nam & hoc damnat idem Apo-  
stolus 2. Epist. c. ult. Cum Davide  
igitur orandum Psal. 119. v. 18. Do-  
mine revela oculos meos, ut aspiciam  
mirabilia de lege tua, & v. 34. Da  
mibi intellectum ut custodiam legem  
tuam. Et v. 135. Faciem tuam illumi-  
na super servum tuum, & doce me justi-  
ficationes tuas. Nam Dominus dat  
sapientiam, & ex ore ejus prudentia  
ac

Preces  
Davidis.



ac scientia. Proverb. 12. *Quare si  
quis indiget scientiâ, postulet à Deo  
qui dat affluenter &c. Jacob. 1. v. 5.*  
Ita precibus Salomon obtinuit *Salomo-*  
sapientiam : Daniel precibus à *nis.*  
Deo impetravit, non propriâ sa- *Danielis.*  
pientiâ & studio, interpretatio-  
nem somnij, ne periret cum so-  
cijs & alijs sapientibus Babel, Da-  
niel. 2, 18. & seq. adjungatur etiam  
v. 30. B. Lutherus horas anteme- *Lutheri.*  
ridianas meliores studijs aliàs  
aptissimas precibus impendebat.  
Certè nisi lucrum hac ratione in  
profectu studiorum sensisset, mi-  
nime hoc fuisset facturum. Non e-  
nim hoc est bonas horas perdere,  
quum nunquam preces sint fures  
temporis. Etiam lectionem in-  
terrumpat subindè precatio, San-  
cti Spiritus implorans opem, aut  
gratiarum actio ob beneficium,  
sicubi te senseris profecisse. Et  
quoniam Deus *castas pondus jus-*  
*sit habere preces,* piè & castè vi- *Castitas*  
vendum, affectibus pravis resi- *& cordis*  
sten- *puritas.*



stendum, animus à vitiorum inquinamentis purus, ab omni cupiditatum tumultu quietus servandus: *aliàs non affulgebit lux Evangelij gloriæ Christi, 2. Cor. 4. Et animam impuram atq; malitiosam cœlestis illa sapientia non ingreditur, nec in corpore peccatis obnoxio habitabit, Sap. 1, 4. Unde scriptura initium sapientiæ timorem Domini appellat, Proverb. 1, 7. Imò impio dicit ipse Dominus: Quid tibi, ut enarres statuta mea, & assumes pactum meum in os tuum, Psal. 50, 16. & Psal. 1. homini pio atq; beato duplex studium commendat: nempe ut ab impiorum consortio se disjungat; atq; ita deinde rectius legem Dei assidue meditetur. Etenim si Hippocrates à suis discipulis mores exigebat integros: Si Julius Firmicus in re superstitiosa arcebat ingenium lucri & gloriæ cupidum; quantò magis purgatissimis animis ad hanc cœlestis sapientiæ*  
fcho-



scholam accedendum? *Exod. 19*  
Populus Dei vocē procul auditu-  
rus jubetur biduo purgari; & *cap.*  
3. accurrens Moses ut videret  
miraculum ardentis rubi, non ta-  
men conflagrantis, non prius ad-  
mittebatur eò, & ad divinum col-  
loquium, quàm calceamenta pe-  
dum deponeret: Ita nobis quàm  
Mosi de rubo Deus in mysterijs  
suis supercœlestibus loquitur  
perspicaciùs, si puri veniamus ad  
colloquium. Adsit ardor discendi. *Discendi*  
di perpetuus, adsit oculus fidei *cupiditas.*  
simplex & columbinus. Quod Py-  
thagoræ numeros docenti præsti-  
terunt auditores; Tu multò ma-  
gis Spiritui S. Doctori. *Simplici-*  
*tas.* Myste-  
ria absque impia curiositate sim-  
plici fide adora. Procul absit o-  
mnis fastus, *nam Deus superbis re-*  
*sistit, humilibus autem dat gratiam:*  
omnis gloriæ fames: non enim *Humili-*  
hominum sed Dei gloria quæren-  
*tas.* da, omnis cœca temeritas, omnis  
pertinacia rixarum genitrix. In-  
pri-



*Transfor-  
matio.*

primis hoc unum agendum, ut  
transformemur in ea quæ disci-  
mus ex sacris, & formam doctri-  
næ fideli obsequio, vita ipsâ re-  
præsentemus *Rom. 6. v. 17. 2. Tim.*  
*1. v. 13. 2. Cor. 3. v. ult.* Hinc *Jaco-*  
*b. c. 1. v. 22. & seq.* monet, ut non  
tantum lectores vel auditores,  
sed etiam factores verbi certatim  
omnes fiamus. Hinc *idem c. 3. v.*  
*13. & seq.* Si quis sapiens & peritus  
in vobis, ostendat ex bona conversa-  
tione opera sua, in mansuetudine sa-  
pientie. Si autem zelum amarum  
habetis & contentionem in corde ve-  
stro, nè gloriimini & mentimini ad-  
versus veritatem: non est ista sapien-  
tia desursum descendens, sed terrena,  
animalis, dæmoniaca. Et paullò  
post: Quæ autem supernè est sapien-  
tia, primum quidem pudica est, de-  
inde pacifica, modesta, benè sua-  
dibilis, plena misericordiâ,  
& fructibus bo-  
nis, &c.

RE-



REQUISITUM II.

*Linguarum & artium studia.*

**H**Oc requisitum adeò necessarium est futuro Theologo, ut absque eo sit, tanquam hospes in regione ignotâ versetur Biblia tractaturus. Imprimis linguarum studium necessarium est, & earum præsertim, quibus Spiritus Sanctus hominibus locutus est. Alioquin nunquam hæretico & adversario alicui os obturare potes: Cum nulla Bibliorum versio utrinq; sit recepta. Quamobrem *linguarum studium* omnino necessarium est: Primum

*Hebrææ*, ob libros prioris temporis Canonicos, qui eâ conscripti: nisi quis versionibus malè figuris adhærere velit, atque alienis oculis videndo & auribus alienis audiendo, pro corpore umbram, pro fontibus rivulos sectari, id quod plebæi & idiotæ facere coguntur, sic Esa. 19 Ægyptij rectè  
fa-



faciunt, & ut laudati introducuntur, quòd discant loqui linguâ Canaan, ut possent Israëliticæ veræ Ecclesiæ intra Canaan audire atque intelligere mysteria. Est etiam utilissimum studium linguarum affinium,

*Chaldee  
& Syrac.*

*Chaldee*, ob capita aliquot Esdræ & Danielis &c. & *Syracæ*, ob versionem antiquam & utilissimam N. T. Deinde linguæ

*Græcæ  
usus.*

*Græcæ*, ob libros posterioris temporis, qui eâ ab Evangelistis & Apostolis sunt concinnati: tandemque

*Usus Lat.  
linguæ.*

*Latine*, tum ob commentarios, tum ob ejus usum apud Eruditos in scholis quotidianum. Itaque cognitio tituli crucis Christi (ita vocant tres celebres linguas, Latinam, Græcam & Hebræam) omnino necessaria est. In hisce linguis, qui ratione non proletariâ sed accuratâ versatus fuerit, is sciat se eximiè paratum ad sacra accedere studia, inque  
ijs



ijis pede inoffenso posse progredi.  
Præparatio autem hæc & exerci-  
tatio in literis fiat statim in pue-  
ritia atque adolescentia; alioquin  
adulti fontium phrasiologias non  
intelligentes, aut de novo linguas  
discere, aut præ pudore vel tædio  
fontes fugiendo interpretibus fi-  
dere coguntur.

Qui parentum & præceptorum  
incuriâ ad ætatem aliquam per-  
venerunt linguarum ignari; nè sic  
quidem hoc adminiculum negli-  
gant: Ne pudeat ad Elementa il-  
la descendere: Nam & Cato jam  
senex ad Græcas animum appli-  
cuit literas. Immò Augustinus jã *Senes lin-  
guarum  
studiosi.*  
Episcopus & provectâ ætate ad  
Græcas literas reversus est discen-  
das, puero degustatas quidem, sed  
fastiditas: Et passim dolet sibi  
non licuisse hebrææ notitiam ad-  
dere. Interim licet Latinam dun-  
taxat calleret, Græcam leviter at-  
tigisset, Hebraicam neque sciret  
neque speraret, tamen lib. 2. de do-

B

ctri-



etrinâ Christiana, harum cognitio-  
nem ad sacros codices vel intel-  
ligendos vel restituendos neces-  
sariam pronunciavit. Origenes  
jam senex hebraicè didicit: mag-  
no impendio & labore Hiero-  
nymus. Et superiori sæculo senes  
hisce studijs se addixere, Masius,  
Widtmannstadius, Mirandula, A-  
gricola, Erasmus, &c. Hinc *Me-  
lantho* ait: *Linguam hebraicam et-  
iam senes didicerunt, ut Hieronymus,  
Lyranus, Burgensis, & nostro tem-  
pore Galatinus, Complutensis, Vesse-  
lus, Capito, Rodolphus Agricola, &  
multi alij.* Celebris Dominicanus  
Bannes alicubi ait; in extremâ  
senectâ hebraicam linguam se ad-  
didicisse, nè ampliùs ab Hæreticis  
derideretur. Et cum ante annos  
non ita multos Jesuvitæ & Ponti-  
ficij reliqui rarissimè hebraicè  
docti essent, imò ob linguarum  
studia multum passi quidam Pon-  
tificij, ut Reuchlinus, Erasmus,  
Pagninus, Postellus, Arias Mon-  
tanus



ranus & alij ( adeo tristi istorum *Videatur*  
 temporum facie, ut Græcè nosse *Platina de*  
 suspectū fuerit, hebraicè autem, *Paulo 2.*  
 propè hæreticum ) hodie dili- *& Claud.*  
 gentissimè eos in hæc studia in- *Esperæus*  
 cumbere scripta illorum testan- *Episc. Gal-*  
 tur. Et quid non facerent Evan- *lus ad 2.*  
 gelici, qui fontes solos æstimant, *Timoth. 3.*  
 & meritò quidem, ceu authenti-  
 cos; Pontificis interim vulgatam  
 versionem latinam pro authen-  
 tica salutantibus? *Novi*, inquit  
 Lutherus, *quantoperè mihi contra*  
*hostes meos profuerit lingua hebrææ*  
*notitia. Certè, pergit, quamvis exi-*  
*gua illa sit, cum omnibus tamen to-*  
*tius mundi gazis Eam non commu-*  
*tarem. Et idem: numquid hoc te* *Judicium*  
*movet, quod sanctissimi patres in ex-* *Lutheri &*  
*plicandis scripturis adeò frequenter* *Philippi de*  
*impegerunt? & licet subinde rectè* *lingua-*  
*aliquid dixerint, incerti tamen fue-* *rum stu-*  
*runt, an videlicet in originali ita* *dio.*  
*esset, ut illi interpretabantur, &c.*  
*Melanthon ait orat. tomo 4. pag.*  
*465. Reverendus vir Lutherus quàm*



*Sapientiae  
saecularis  
studium.*

graviter nos ad linguarum studia saepe hortatus est, & negligentiam studiosorum castigavit: videbat enim non aliam ad veterem barbariem reducendam magis compendiariam esse viam, quam si studia linguarum interirent; & pag. 471. Scio me vix primis labris degustasse hebraicas, graecas & latinas literas. Sed tamen hoc ipsum quod didici, quantulumcunq; est, propter iudicium in religione omnibus mundi regnis, omniumque opibus longe antepono. Recte etiam Mercerus: Hebraismorum ignorantia horrendos errores in Ecclesiam Dei invexit. Absolutis linguarum studiis, studia artium sapientiae saecularis, sobriè & citra spinosas Scholasticorum quaestunculas pernoscenda, cumprimis: *Logica, Rhetorica, Physica*, (nam saepe ex ipsa rei naturalis alicujus proprietate illustris intellectus mysterij est) *Matheſis & Astronomia*, ob studia *Chronologica, Cosmographica, & Historica*, praesertim



*tim Historica Ecclesiastica.* Qui-  
bus omnibus paulò diligentius,  
ad mediocritatem tamen, non  
ad curiositatem, incumbendum,  
tanquam lucem non exiguam sa-  
cris fœnerantibus. Nulli tamen  
historiæ prophanæ fidendum, ni-  
si quâ & ubi cum sacrâ consentit:  
Sic neque amplexanda omnia  
profanorum Philosophorû dog-  
mata; sed meliora & saniora sa-  
cris literis consona: quæ non ab  
Ethnicis primùm inventa, sed  
à populo Dei & sanctis Patrib.  
primitus profecta Dei auxilio;  
qua de re videatur *Franzius de in-  
terpretatione scripturæ pag. 13.*

Quamobrem nimium in stu-  
dijs rerum sæcularium esse nolim  
ex professo futurum Theologum,  
memor & angustiae humani inge-  
nij, quodque vita brevis, ars lon-  
ga; & illius ex Veteribus Hebræ-  
is sapientis, qui interrogatus,  
quantum operæ impendendum  
esset Græcorum Philosophiæ

B 3

atq;



atque historiæ, respondit: quantum & quoties liberet, modò non fieret die vel nocte: quandoquidem Dei consilio meditandum sit in lege Domini die ac nocte. Seneca verè dicebat, *Multos ignorare necessaria, quia non necessaria discunt.* Ego certè cum dolore sentio ac fateor, nimis magnam ætatis meæ partem in pernoscendâ sæculari sapientiâ posuisse, sæpeque tacitus exclamo:

*O mihi præteritos referat si altissimus annos!*

Augustinus ait: *Tanta est Christianarum literarum profunditas, ut in ijs quotidie proficerem, si eas ab ineunte pueritia usq; ad decrepitam senectutem maximo otio, summo studio, mediocri ingenio conarer addiscere &c.* Erasmus benè: *Mihi parum tutum videtur ad Theologiam destinato in profanis studijs præsertim alienioribus consensescere. Fit enim: ut qui palatum ac linguam multo absynthio habent infectam, ijs*  
quic-



edit: quan-  
modum  
quandoque  
editandum  
ac nocte  
tulis ignis  
necessaria  
dolore  
nagmam  
molcen-  
milit, iz.

ut si aliq-

est Chri-

stias, ut

si eas ab

reptam

una su-

ad di-

visi pa-

alogiam


praefer-

Fut-

inguan-

am, i-

pa-





atque historiæ, respondit: quantum & quoties liberet, modò non fieret die vel nocte: quandoquidem Dei consilio meditandum sit in lege Domini die ac nocte. Seneca verè dicebat, *Multos ignorare necessaria, quia non necessaria discunt.* Ego certè cum dolore sentio ac fateor, nimis magnam ætatis meæ partem in pernoscendâ sæculari sapientiâ posuisse, sæpeque tacitus exclamo:

*O mihi præteritos referat si altissimus annos!*

Augustinus ait: *Tanta est Christianarum literarum profunditas, ut in ijs quotidie proficerem, si eas ab ineunte pueritia usq; ad decrepitam senectutem maximo otio, summo studio, mediocri ingenio conarer addiscere &c.* Erasmus benè: *Mihi parum tutum videtur ad Theologiam destinato in profanis studijs præsertim alienioribus consenescere. Fit enim: ut qui palatum ac linguam multo absynthio habent infectam, ijs*  
quic-



quicquid deinde biberint ac ederint,  
absynthium sapiat &c. Ita qui bonam  
vitæ partem in Bartolis & Baldis,  
in Averroibus, Durandis, in Sophi-  
sticis cavillationibus, in confusissi-  
mis summulis ac collectaneis posue-  
runt: Iis divina litera non sapiunt  
id quod sunt, sed quod illi secum ad-  
ferunt. Et: Absurdum videtur, cum  
rem tractes ab omni sapientia mun-  
dana longè diversissimam, nihil  
crepare nisi Pythagoram, Platonem,  
Aristotelem, Averroëem, & his pro-  
faniores authores, ad horum opinio-  
nes veluti oracula obstupescere, &c.  
Hæc ille.

### REQUISITUM III.

#### *Bibliorum prima & puerilis pertractatio.*

**I**Nterea vero dum puer linguis  
atq; artibus operatur, eo tem-  
pore omnino lectionem quoti-  
dianam Bibliorum in lingua sive  
vernacula, sive latina, quando  
notior hæc & familiarior, con-



junget ; ut à puero affuescat sacris literis : sicut eo nomine Apostolus suum Timotheum commendat in 2. *Timoth.* 3. v. 14. quod à puero doctus fuerit sacras literas quæ ipsum sapientem ad salutem reddere possent. Atque hoc, mandato ipsius Dei, *Deut.* 6. v. 6. & seq. ubi dicitur : Erunt verba hæc quæ ego præcipio tibi in corde tuo : & repetes ea filiis tuis, & loqueris de ijs, quando sedebis in domo tua, & quando ambulabis per viam, & quando jacebis in lecto, & quando surges &c. Huc referantur alia dicta : ut, *Sinite parvulos ad me venire. Predicte Evangelium omni creaturæ &c.* Proba certè est admonitio, utut Judaica : *Filius quinq; annorum accedat ad Biblia.* Optandum itaque esset, illud tempus quod insumitur in pueritia in ediscendis profanis versibus, falsorum Deorum traditionibus perlegendis, commentitijs fictorum Heroum actionibus, à Græcis mendacissimis pro-



proditis, quibus neque ad pietatem, neque prudentiam usus aliquis insignis, illud tempus, inquam, lectioni Bibliorum tribui, & historijs, sententijs, dogmatibus sacris ad unguem ediscendis ac memoriæ infigendis, dum florida est adhuc teneris annis vis memoriæ & capacissimi puero- rum memoriales loculi: non esset fortè quod adultiores facti de Præceptorum rigore conquere- rentur in onerandis memoriæ ar- culis & profanis nugis replendis; ut pauca postea ex salutari & cœ- lesti doctrina capere possint.

Diligenter ergò in pueritia *An pueris*  
perlegenda Biblia, memoriæ *legenda*  
mandanda argumenta præcipua *Biblia sine*  
& summæ librorum, historiæ & *explicati-*  
historiarum continuatio, senten- *one?*  
tiæ, doctrinæ &c. eaq; omnia sæ-  
piculè repetenda, ut instar orati-  
onis Dominicæ vel Catechismi  
teneantur.

B 5

Nec



Nec inconueniens putabitur  
juuentuti sacram scripturam le-  
gendam commendare sine com-  
mentarijs & explicationibus:  
cùm maximam sui partem sit il-  
lustris & perspicua, imprimis in  
ijs quæ ad salutem sunt necessa-  
ria. Si quæ subinde occurrat ver-  
borum, phrasium, idiotismo-  
rum &c. obscuritas, cursum lecti-  
onis retardare non debet, sed suo  
tempore modoque tollenda re-  
linqui.

*Paraphra-  
sis Biblio-  
rum Osi-  
andri.*

Accedente aliquo judicio &  
linguæ Romanæ pollentiâ, legan-  
tur Biblia etiam latina cum per-  
petuis paraphrasibus Luçæ Osi-  
andri: quibus brevis & laudabi-  
tis explicatio exhibetur Biblio-  
rum instar compendij ex com-  
mentarijs majoribus Lutheri &  
Brentij, unde Paraphrasis Osi-  
andriana plerumque est desum-  
pta.

Ex versionibus Latinis melio-  
res sunt Pagnini & Vatabli, licet  
&



& illæ suis non careant vitijs, ut  
dicemus alibi.

Atque donec aliquod prodeat  
systema Theologicum genuinâ *Compen-  
dia Theo-  
logica me-  
liora.*  
illa formâ quam postulat Spiritus  
Dei, quâ de re videatur Janitor  
noster Theologicus primus: pau-  
corum dierum spatio revolvi &  
addisci potest summa Doctrinæ  
Christianæ ex Enchiridio Chem-  
nitij, vel institutionibus Cate-  
cheticis Dieterici, aut Cluveri,  
vel Mentzeri exegeſi in Augusta-  
nam confessionem, vel locis  
communibus Herbrandi aut Haf-  
ſenrefferi, aut Chemnitij, qui  
tanquam pleniores & succulen-  
tiores præferendi: ita tamen ut  
semper præferantur Biblia, & li-  
bri illi symbolici ad sacram ſcri-  
pturam tanquam ad obruſſam  
examinentur ac conferan-  
tur, non vice ver-  
ſâ.

Re-



REQUISITUM IV.  
*Biblicorum pertractatio in  
fontibus.*

POSTquam eo usque jam facti  
sunt progressus, ut linguas di-  
ctas Juvenis probè calluerit, ar-  
tes sapientiæ sæcularis intellexe-  
rit, Biblia in lingua vel materna  
vel latina familiaria sibi reddide-  
rit, is sciat se jam fractâ nuce ad  
nucleum properare.

*Fontes  
quomodo  
legendi.*

Quamobrem ad fontes ipsos  
se accingat studiosè legendos, in-  
terpretandos, & sensum genui-  
num inde eruendum. *Studiosè,*  
inquam, ut fiat *αἰσχυρως*, atque ut  
ait Christus, *scrutatio Joh. 5. v. 39.*  
& *Meditatio* ut habet Psalter Re-  
gius *Psal. 1.* Diligentia, constan-  
tia & alacritas adsint. Si enim, ut  
est in Proverbio, Regum ac Prin-  
cipum literæ ter percurrendæ,  
ut genuinus sensus obtineatur;  
multo magis & sæpius oracula di-  
vina solertissimo studio pertra-  
ctan-



standa. Deinde magna cum devotione & reverentia scrutandæ & tractandæ sunt scripturæ, quippe in quibus, ut Isidorus ait, *Deus nobiscum loquitur, sicut nos in precibus cum Deo.*

1. Omnia requisita de modo interpretandi sacras scripturas probè observentur. Breviter & nervosè explicata videantur apud CL. Theologum, collegam & fratrem intimum meum, Dn. D. Brochmannum part. 1. Controv. contra Pontif. lib. 3. & ex ijs aliqua uberrimè explicata exemplisq; illustrata apud Frantzium de interp. script.

2. Sine ullo præjudicio accedatur. Quantum enim hoc sit obstaculum, liquet ex discipulis Christi *Luc. 18. v. 33. & seq.* præoccupatis somnio Judaico de mundano & carnali Messia regno; & Judæis eodem fascinati in 2. *Corinth. 3. v. 14. & seq.* Quamobrem sensus non est importandus in



In scripturas, sed exportandus ex scripturis; & scriptura per scripturam explicanda. Unde *Hilarius lib. 1. de Trinitate*: Optimus lector est, qui dictorum intelligentiam expectat ex dictis potius quam importat, & retulerit magis quam attulerit, neque cogit id videri dictis contineri, quod ante lectionem presumpserat intelligendum. Hæc ille.

3. Cura & diligentia requiritur. Solliciti enim de intellectu mysteriorum erudiuntur, reliquis Christum non consulentibus in ignorantia relictis. Vide sis Matt. 13. v. 11. & seqv; Marc. 4. v. 10. & seqv; Johan. 5. v. 39. Actorum. 17. v. 11.

4. In collatione locorum & vi atque proprietate vocis cujusque enodandâ, præter *Lexica* (quæ plerumque imperfecta mutilaq; ideoque ex scripturâ concinnanda & corrigenda) Utiles sunt concordantiæ 1. *Hebraice* Rabbi Mardochæi Nathanis; quarum si quis



quis latinam interpretationem  
requirit, eam Anthonius Reuch-  
linus prodidit sub titulo, Capita  
concordantiarum, & nuper Ma-  
rius de Calasio in suis concor-  
dantijs Hebraicis; qui insuper  
præclaram operam præstitit in  
addendis convenientijs lingua-  
rum vicinar. Orientalium, & va-  
rietatibus versionum, Græcæ 70  
& Latinæ tum vulgaris tum Pag-  
nini. 2. *Græcolatina* Novi Testa-  
menti Henrici Stephani. 3. *Latina varia*, imprimis maximæ, quas  
Vechelus & Marnius excude-  
runt. Huc etiam faciet Lexicon  
Theologicum, quod Flacius edi-  
dit sub titulo *Clavis sacre scriptu-  
re*, quo opere sine dispendio stu-  
diosus Theologiæ carere non  
potest, utut more Concordanti-  
arum Latinarum vocib. vulgatæ  
Latinæ versionis utatur. Ad vim  
vocum seu nominum proprio-  
rum explicandam conducet *O-  
nomasticon Chytræi*; cui simile  
con-



Concordantijs suis subjecit Calasius.

5. Si quis in fontib. mediocriter saltem exercitatus est, plurimum juvabitur Biblijs Pagnini & Ariæmontani, ubi Hebraicis & Græcis fontibus statim interlinearis versio est apposita, Itim pro rudioribus & ijs qui ex professo non sunt futuri Theologi, Biblia Hebraica Hutteri facient: ubi in singulis vocib. literæ radicales distinctis typis sunt expressæ, nempe plenis; Serviles autem hiulcis; Deficientes & quiescentes minore caractere in superiore punctorum atq; accentuum ordine reperiuntur.

*Ordo legendi Biblia.*

6. Initium faciendum à libris Novi T. & postea ad V. accedendum. Impleta enim sunt in N. T. quæ de Christo scripta sunt in Mose, Prophetis & Psalmis, ipso servatore hoc asserente. Hinc Judæi nihil penè intelligunt ex V. T. quia N. contemnunt atque igno-



ignorant. Quod in veteri est ut De Rabi-  
umbra, in N. T. res ipsa & lux est. <sup>norum in</sup>  
Hinc B. Lutherus in Gen. cap. 16. <sup>re sacra</sup>  
Cum rerum sacrarum cognitione de- <sup>inscitia</sup>  
stituantur Rabini, prorsus negligendi <sup>Lutheri</sup>  
sunt &c. & paulò post: Porro voco <sup>judicium.</sup>  
notitiam rerum aliud nihil quàm no-  
titiam N. T. eo benè cognito patet u-  
niversa Veteris T. scriptura. Et paul-  
lò ante: Et si igitur Grammaticam  
norunt (Rabbini) tamen sententiam  
veram scripturae non norunt. Est eis  
scriptura, ut Esaias ait, liber quem  
non possunt legere. Non autem accipi-  
enda ea hoc modo sunt, q: Gramma-  
tices studium damnem, quod omninò  
necessarium est, sed nisi cum Gram-  
matica etiam res ipsas discas, nun-  
quas fies bonus Doctor. Oratio enim,  
ut ille dicebat, in pectore, non in ore  
nasci debet. Item in Gen. c. 20. v. 16.  
Qui iura nò didicit, forensia vocabu-  
la nullo modo intelligit; sic medicina  
sua habet propria vocabula, sic Astro-  
nomia, quae nemo intelligit, nisi res  
prius teneat: Certum autem est Ju-  
C deos



deos post negatum Christum amisisse  
res: nihil igitur sani docere possunt,  
& frustra in Grammatica se tor-  
quent: sæpè unum vocabulum in de-  
cem significata partiuntur. Hæc ve-  
rissimè Lutherus.

REQUISITUM V.

*Commentatorum in Biblia  
pertractatio.*

**H**Orum quia plurimi sunt, tùm  
ex patribus, tùm nostri sæculi  
Orthodoxis, itim Pontificijs, Cal-  
vinianis &c: quorū potissimos vi-  
de enumeratos in Biblico nostro  
apparatu; paucos eosq; bonos in  
consiliū adhibebis; non quòd fon-  
tibus quicquam vel derogare vel  
præscribere possint, sed ut in opi-  
nionum & disputationum multi-  
tudine deprehendere queas con-  
sensum eorum, qui propiùs ad  
sensum ex fontib. ad te erutum

*Meliora in* accedunt: Imprimis commen-  
*libros sa-* data esse debent, quæ in libros sa-  
*cros Com-* cros ediderunt Lutherus, Bren-  
*mentaria.* tius,



tius, Flacius, Hunnius, Arias Montanus, & Mercerus: atque ad conjungenda Chronologica Veteris T. Salius; Novi autem T. Centurię Magdeburgenses, & Annales Baronij. Usus Commentatorum est propter difficiliore locos, in quibus etiam multi Eruditissimi multum desudant: *nam divisiones sunt gratiarum & unicuique datur manifestatio spiritus ad utilitatem &c.* 1. Corint. 12. v. 4. & 11. & nullius prophetia seu explicatio pro nihilo habenda, in 1. Thess. c. 5. Alias continuata lectionis Biblicę lectio nullo die intermittenda, quę si annorum aliquot spatio adhibita fuerit, ipse longę rectius difficilem aliquem locum explicabis, quam plerique ex commentatoribus.

#### REQUISITUM VI.

*Patrum & Polemicorum lectio.*

**H**Os jungo: quia vix quisquam est ex patribus, quin polemi-



De Patri-  
bus Eras-  
mi judici-  
um.

ca scripserit contra sui temporis  
Hæreticos. Nisi otio abundave-  
ris, parca sit horum lectio : & tūm  
præcipuè, quando putas te omnia  
in Biblijs intellexisse & reperis-  
se, quæ dubitationem apud ali-  
os habent. Etenim vix quisquam  
est ex patribus, quin naves suos  
habeat, plurimos ab ipsis etiam  
Pontificijs deprehensos. De le-  
ctione Patrum videatur Ora-  
tio Chemnitij L. C. præmissa. Eras-  
mus de optimis quibusque patri-  
bus scribit: *Homines erant, quædam  
ignorabant, in nonnullis hallucinati  
sunt, dormitarunt alicubi, nonnulla  
dederunt utcumq; vincendis hæreti-  
cis, quorum contentionib. tum fer-  
vebant omnia. Præterea vix quis-  
quam est horum cujus falso titulo  
non permulta circumferantur, atq;  
adeo quod est impudentius, cujus li-  
bris non multa permixta sint aliena.*  
Hæc ille.

Ad Eristicos & Polemicos no-  
stri sæculi adeò non duco, ut poti-  
us



us avocare velim, memor illius  
Apostolici 1. Cor. 11. v. 16. *Si quis vi-*  
*detur contentiosus esse, nos talem*  
*consuetudinem non habemus, neque*  
*Ecclesiae Dei.* Lectione tamen di-  
gna sunt scripta Polemica Chem-  
nitij, videlicet examen concilij  
Tridentini; de duabus naturis in  
Christo; & de Cæna: Præterea  
Hunnij scripta tam Polemica quàm  
didactica succo & sanguine plena  
sunt: quamquàm alia aliorum etiam  
quamplurima commendatione  
digna sunt, quibus tamen perlegen-  
dis unius hominis ætas in Biblijs  
occupanda non sufficit. *A conten-*  
*tiosis autem questionibus abstinен-*  
*dum est,* sicuti Paulus sollicitè ad-  
modum Timotheum ab ijs de-  
terret 2. Tim. 2. quando non vult  
verbis contendere (λογμαχίας vo-  
cat) eo quod ad nihil conducatur, nisi ad  
subversionem auditorum v. 14. Et  
mox ubi iusserat eum rectè seca-  
re verbum veritatis, addit: *Ina-*  
*nes autem vocum vanitates devita*



De Patri-  
bus Eras-  
mi judi-  
um.

ca scripserit contra sui temporis  
Hæreticos. Nisi otio abundave-  
ris, parca sit horum lectio : & tūm  
præcipuè, quando putas te omnia  
in Biblijs intellexisse & reperis-  
se, quæ dubitationem apud ali-  
os habent. Etenim vix quisquam  
est ex patribus, quin naves suos  
habeat, plurimos ab ipsis etiam  
Pontificijs deprehensos. De le-  
ctione Patrum videatur Ora-  
tio Chemnitij L. C. præmissa. Eras-  
mus de optimis quibusque patri-  
bus scribit: *Homines erant, quædam  
ignorabant, in nonnullis hallucinati  
sunt, dormitarunt alicubi, nonnulla  
dederunt utcumq; vincendis hæreti-  
cis, quorum contentione tum fer-  
vebant omnia. Præterea vix quis-  
quam est horum cujus falso titulo  
non permulta circumferantur, atq;  
adeo quod est impudentius, cujus li-  
bris non multa permixta sint aliena.*  
Hæc ille.

Ad Eristicos & Polemicos no-  
stri sæculi adeò non duco, ut poti-  
us



uis avocare velim, memor illius  
Apostolici 1. Cor. 11. v. 16. *Si quis vi-*  
*detur contentiosus esse, nos talem*  
*consuetudinem non habemus, neque*  
*Ecclesie Dei.* Lectione tamen di-  
gna sunt scripta Polemica Chem-  
nitij, videlicet examen concilij  
Tridentini; de duabus naturis in  
Christo; & de Cæna: Præterea  
Hunnij scripta tam Polemica quàm  
didactica succo & sanguine plena  
sunt: quamquàm alia aliorum etiam  
quamplurima commendatione  
digna sunt, quibus tamen perlegen-  
dis unius hominis ætas in Biblijs  
occupanda non sufficit. *A conten-*  
*tiosis autem questionibus abstinен-*  
*dum est,* sicuti Paulus sollicitè ad-  
modum Timotheum ab ijs de-  
terret 2. Tim. 2. quando non vult  
verbis contendere (*λογμαχίας* vo-  
cat) eo quod ad nihil conducatur, nisi ad  
subversionem auditorum v. 14. Et  
mox ubi iusserat eum rectè seca-  
re verbum veritatis, addit: *Ina-*  
*nes autem vocum vanitates devita*



1. *Timoth. 6. v. 4. ex ejusmodi quaestionibus & verborum pugnis nasci scribit invidiam, contentionem, blasphemiam, suspiciones malas, conflictationes hominum mente corruptorum, veritatis expertium &c.* Sic ubi *Tit. 3. v. 9.* multa monuisset quæ ad pios mores faciunt, etiam atque etiam admonet, *ut stultas quaestiones & genealogias & contentiones & pugnas legales tanquam inutiles & vanas rejiciat.*

#### REQUISITUM VII.

*Theologorum, Concionatorum, aliorumque qui viva voce docent, sedula atque attenta auscultatio.*

**S**ufficiant hinc verba insignis Theologi, *Wolfg. Franzij tractatu de interpret. scriptur. pag. 14. & 15.*

*Plerique (juvenes) ilico ex Academia discedunt, coemptis Postillis & libris aliquibus Theologicis. Viva voce*

ce



ce interpretantem paginas sacras au-  
diverunt nullum, sed in Theologicis  
evadunt αὐτοχθόνες & αὐτοδίδακτοι,  
quos totus mundus infelices esse, &  
multa inconvenientia gignere pro-  
clamat. Tales etiam num gloriam  
Dei ritè & insolidum querere pos-  
sint, num adhortari alios ad solida  
pietatis studium, judicent qui non  
sunt ex professo Theologi. Mihi non  
est dubium, quin sint sæpenumero  
publicarum calamitatum in orbe ter-  
rarum continuanter & graviter  
grassantium causæ præcipuæ isti, qui  
Theologiam ex suggesto docent, qui  
ad pedes Theologorum Academico-  
rum, ad quos patrocinio suorum fau-  
torum ablegati fuerant, nunquam  
sederunt, & nec per horas quidem o-  
mnino paucas ijs auscultandis ope-  
ram ullam navarunt.

An non etiam videndum sit ijs, qui  
jus patronatus obtinent & potesta-  
tem eligendi ministros verbi habent,  
ne ejusmodi αὐτοδίδακτοι recipiant, ju-  
di-



*dicium cuius comitto gloriam Dei,  
Ecclesiæ publicam & privatam utili-  
tatem amanti, citra affectus. Navis  
gubernatorem nemo creat nisi idone-  
um : cur itaq; in hac parte anima-  
rum multarum salutem concernente  
adeo volens cecuties? Hæc Frant-  
zium.*

Sixtinus Amama, Professor Fra-  
necheranus, videtur hisce verbis  
commotus, ut parænesin (in  
quâ & Frantzium citat, & com-  
plura Frantziana ex dicto lib. re-  
perire licet) ad synodum provin-  
cialem Anno 1624 perscribere-  
ret Belgicâ linguâ, de non admit-  
tendis ad S. ministerium, nisi i-  
doneis, atq; in Biblijs, linguis &c.  
mediocriter versatis : ob quam  
parænesin synodus non tantum  
gratias per Hardenbergium sin-  
gulariter agendas censuit : verum  
etiam statim decrevit, ut in poste-  
rum ad sacrum ministerium non  
admittantur, nisi qui præter te-  
stimonia senatus Academici, et-  
iam



iam Theologiæ Professorum atq;  
aliorum de profectu contestantia  
exhiberi possit: Quod utinam a-  
libi etiam observaretur, plures  
utiq; eruditos ecclesiæ haberent  
ministros.

REQUISITUM VIII.

*Doctrinarum & locorum  
communium collectio.*

EX omnibus autem lectis, au-  
ditis & pensatis, utile fuerit  
juxta seriem Alphabeti doctrinas  
& locos communes colligere, in  
quos omnia vel præcipua lecta  
aut audita, veluti nidulos quos-  
dam digeris: quò promptius sit,  
ubi videbitur, quod voles vel  
promere vel recondere. Hac u-  
sum fuisse ratione D. Hierony-  
mum, eruditi ex scriptis ejus ani-  
madverterunt. Ex ejusmodi lo-  
cis promptissimum deinde fue-  
rit, tanquam ex cellulis depro-  
mere, unde vel conciones ad po-  
pulum formare, vel publicè in

C s scho-



scholis perorare, prælegere, disputare, vel opera varia ad præ-  
lum concinnare quis possit.

*Nè quod reliquum est pagella-  
rum, vacuum in conspectum Lectoris  
prodiret, Magni illius Theologorum  
Coryphæi, D. Martini Lutheri p. m.  
Testimonia ad illustrationem Con-  
siliij hujus facientia subji-  
cere placuit.*

**T**Om. 1. Lat. fol. 166. a. Cum  
scriptura sancta velit in ti-  
more & humilitate tractari, &  
magis studio piæ orationis pene-  
trari, quam acumine ingenij: im-  
possibile est, quod sine damno  
sint, vel suo proprio vel aliorum,  
quos docent, qui nudo ingenio  
freti, in eam irruunt illois pedi-  
bus sicut porci, tanquam sit hu-  
mana quædam scientia, adeò nul-  
lo reverentiæ discrimine versan-  
tur in illa. Inde veniunt tot prom-  
ptuli ad docendum, qui statim  
cognita Grammatica, Theologi-  
am



am sine omni studio profitentur,  
dicentes : Hem Biblia ! res faci-  
lis est.

Tom. 2. in Genesin. fol. 85. a. in  
cap. 17. De principium epistolis  
proverbio dicitur, ter esse legen-  
das, sed profectò DEI EPISTOLÆ,  
sic enim appellat scripturam  
Gregorius, septies ter, imò septu-  
agies septies, seu ut plus dicam  
INFINITIES LEGENDÆ SUNT, quia  
sunt divina sapientia, quæ non  
statim primo intuitu potest com-  
prehendi. Si quis obiter tanquam  
res notas & faciles legat, seipsum  
decipit.

Tom. 2. lat. pag. 237. b. Hoc di-  
dici, scripturam esse eam, quæ  
nullius ingenium, nullius erudi-  
tionem, nullius diligentiam, nul-  
lius sanctimoniam non in multis  
fallat & superet, atq; cum omni-  
bus etiam parvulis sit exposita ad  
satietatem usque, magnis tamen  
semper seposita est ad esuriem  
ut verissimè & sapientissimè di-  
xerit



xerit Gregorius, scripturam esse  
fluvium, in quo agnus peditat, &  
elephas natat, nec in ea foedius  
nec perniciosius erraverunt, quam  
qui se nihil in ea errasse praesum-  
serunt, nec felicius & salubrius in  
ea profecerunt, quam qui timue-  
runt se in omnibus errare. Sapi-  
entia enim est, cujus principium  
timor Dei, quæ intellectum dat  
parvulis & sapientiam sapientum  
reprobat.

Tom. 4. lat. fol. 416. b. præfat.  
in psalmos graduum. Excutiamus  
istam philautiam, & humiliemus  
nos coram spiritu sancto, ac fate-  
amur hanc infinitam sapientiam  
esse, quæ non possit exhaustiri, et-  
iamsi vitam omnem in discenda  
scriptura deponamus. Etsi enim  
aliquam cognitionem habemus  
Dei gratia: tamen quia quotidie  
quasi nubibus tentationum ob-  
ruimur, semper AD HUNC FON-  
TEM, IMO AD IGNEM HUNC PE-  
CURRENDUM EST, UT RURSUS CA-  
LEFI-



LEFIAMUS, neque aut Satanæ aut  
carni nostræ indulgeamus, ut ob-  
ruantur primitiæ spiritus.

Tom. 2. lat. fol. 428. b. Meum  
consilium sit, qui sacras literas  
non potest certo sensu tenere, eas  
dimittat. Tutius est, cum laicis  
ignorare eas, quam incertas habe-  
re. Incredibile est, quantas mole-  
stias Satan per eas faciat moritu-  
ro, si ambiguas habeat.

Tom. 4. fol. 293. b. Unusquis-  
que nostrum videat, ut ita scriba-  
mus, legamus, doceamus, disca-  
mus, ne relictis Biblijs denuò no-  
bis acervemus Patres, doctores,  
concilia, decreta, articulos De-  
cretales & colluviem humana-  
rum traditionum & opinionum.

Tom. 2. Epist. fol. 95. & 96. Suf-  
ficit Christiano ad confutan-  
dum errorem quemlibet dicere,  
scriptura non habet, &c. Sic Hie-  
ronymus: Hoc de scripturis au-  
toritatem non habet: ideò ea fa-  
cilitate contemnitur, qua proba-  
tur, &c.

Tom.




Tom. 2. in Genes. fol. 143. a. in  
cap. 19. Ego ipse eam ob causam  
odi meos libros, & sæpè opto eos  
interire, quod metuā ne moren-  
tur lectores, & abducant à lectio-  
ne ipsius scripturæ, **QUÆ SOLA O-**  
**MNIS SAPIENTIÆ FONS EST, AC**  
**TERREOR EXEMPLO SUPERIORIS**  
**ÆTATIS.** Postquam enim in ho-  
minum commentarios incide-  
runt, qui sacris studijs dediti e-  
rant, non solum plurimum tem-  
poris in lectione veterum Theo-  
logorum consumserunt: sed et-  
iam tandem occupati sunt in A-  
ristotele, Averroë & alijs, ex qui-  
bus postea nati sunt Thomæ,  
Scoti & similia por-  
tenta.

[S]




fol. 143. a in  
m ob causam  
epe opto co  
ne moren  
unt / et ho  
LE SOLA O  
EST, AQ  
UPERIORIS  
in in ho  
e incide  
dehinc e  
sumtem  
um Theo  
feder  
unt in A  
exqui  
omz,
















18